

*С. А. Бѣлокуровъ.*

# СКАЗАНІЯ О ПАВЛѢ, ЕПИСКОПѢ КОЛОМЕНСКОМЪ

(† 1655 г.).

«Въіп.»

---

И З Д А Н И Е

ИМПЕРАТОРСКАГО ОБЩЕСТВА ИСТОРИИ и ДРЕВНОСТЕЙ РОССИЙСКИХЪ  
при Московскомъ Университетѣ.

МОСКВА.

Университетская типографія, Страстной бульваръ.

1905.



Разъглагольствіе Никона патріарха с Павломъ епископомъ Коломенскимъ о крестномъ знаменованиі.

Печатается по рукописи библиотеки Московской духовной Академии, изъ числа «раскольничихъ» № 407 (печат. ярлыкъ № 679, крандашемъ № 161), въ малую восьмушку, на 44 листахъ, полууставомъ XIX вѣка; верхней доски у переплета недостаетъ. На л.л. 41—44 подпись: «столаначальникъ Колоколовъ». На бумагѣ, приклесненной къ переплету, почеркомъ XIX в.: «книга, глаголемая Минея мѣсячная, мѣсяцъ январь, Каргопольского уѣзда, Олі..... волости, церкви Рожества Пресвятаго Богородицы, куплена въ Мо.....». О происхождении сего сказания см. замѣчанія въ Братскомъ Словѣ 1896—1897 г.

Бывшу разглагольствію у Никона патріарха с Павломъ епископомъ Коломенскимъ о премененіи древле-церковнаго святаго благочестія. И между (л. 1 об.) онимъ вопросилъ епископъ патріарха о премененіи двема перстома знаменія и зачемъ оное отложися, а въ мѣсто сего — для чего новоузаконяется триперстное странное сложеніе.

Патріархъ отвѣтца: понеже двоеперстное древнее сложеніе не согласно есть с правымъ исповѣданіемъ вѣры грековосточный (л. 2) церкве, затемъ и отлагается. А триперстное сложеніе весьма согласно въ мудрованіи святыхъ богословіи, чего ради и всерачително нами вводится.

Епископъ: а намъ видится, что по древнему церковному преданию двема перстома знаменоватися спасителнее есть и лучшее въ ономъ святыхъ богословіи прообразуется, нежели (л. 2 об.) въ новоузаконяющемся триперстномъ сложеніи.

Патріархъ: двоуперстное сложеніе Аріеве и Македоніеве ереси способствуетъ, также Арменістъ и Несторіаністъ ересемъ послѣдуетъ, и то како оно можетъ быти спасително.

Епископъ: напрасно, честный отецъ, тако изволишъ древнее святое двоуперстное сложеніе гаждати (*л. 3*) и многими ересми облагати; не есть во ономъ прообразованіи никакія ереси, но самое во ономъ сложеніи истинное исповѣдается благовѣріе. Напротивъ же в новоузаконяющемся нынѣ от васъ триперстномъ сложеніи весма явно имущимъ умъ видится многія ереси, яко богострастная и (*л. 3 об.*) злославныхъ Евтихія и Діоскора, также і оныхъ, иже вами глаголанныхъ в нашемъ бытіи двоуперстномъ сложенії.

Патріархъ: противно ты зъло глаголешъ о семъ не точю единымъ памъ, но и всей восточнѣй церкви.—Покажи ми: како мы в триперстномъ сложеніи имѣмъ ереси — богострастную и Евтихіеву (*л. 4*) и прочихъ еретиковъ.

Епископъ: в которое вы таинство узаконяете слагати три перста и оными знаменоватися?

Патріархъ: мы исповѣдаемъ в трехъ первыхъ перстахъ святую Троицу: Отца и Сына и Святаго Духа.

Епископъ: Христосъ на крестѣ благоволилъ пострадати коимъ естествомъ, божественнымъ или человѣческимъ?

Патріархъ: (*л. 4 об.*) человѣческимъ.

Епископъ: то какожде вы таинствомъ святыхъ Троицы крестъ на себе воображаете? Не Троица бо на крестѣ страдала, но Сынъ Божій единимъ Своимъ собствомъ во двухъ естествахъ изволилъ за насть нашимъ естествомъ страдати.

Патріархъ: и мы также в сложеніи триперстномъ исповѣдаемъ (*л. 5*) Сына Божія за нас страдавша: не раздѣльна бо есть ипостась его. Аще же по твоему имамъ раздѣляти в другое перстовъ сложеніе ипостась Сына Божія, то Несторію еретику равни будемъ.

Епископъ: скажи ми пожалуй — во святѣй Троицѣ много ли естествъ?

Патріархъ: едино.

Епископъ: а во Христѣ много (*л. 5 об.*) ли есть?

Патріархъ: два естества.

Епископъ: како же в вашемъ триперстномъ сложеніи, прообразующемъ таинство святыхъ Троицы, имать быти два естества, но есть по твоему сказанію едино естество? Аще же едино божественное или едино человѣческое, то не будетъ уже (тріє?) прообразовати таинства (*л. 6*) святыхъ Троицы. Аще же возглаголешъ божественное, яко же и есть

по вашему ученію, то много соглашатися имать сіе ваше преданіе с богострастніческою ересью; ибо яко же они окаянні сказують на крестѣ божество страдавше, тако и вы, единымъ божественнымъ естествомъ крестъ на себѣ воображающе, явно (л. 6 об.) имъ в мудрованіи ономъ послѣдуете.

Патріархъ: егда крещается человѣкъ во имя Отца и Сына и Святаго Духа, то ипостась Сыновнюю во единомъ ли божествѣ исповѣдаши быти или и с человѣчествомъ? Ибо апостоль глаголеть: *елицы во Христа крестистеся—во Христа облекостеся*, то како (л. 7) будеть по вашему Христостѣ во ономъ таинствѣ исповѣдатися?

Епископъ: нигдѣ у святыхъ великихъ нашихъ учителей сего ученія не видится, еже бо во святѣй единоестествѣнней Троицѣ наглаголовати человѣчество.—Ибо аще наглаголовати имамы во святѣй Троицѣ два естества божественное и человѣческое, — чего никто (л. 7 об.) утвердити не можетъ, вси бо согласно исповѣдаемъ святую Троицу единосущную.—А еже изволишъ в доказательство приводити апостола Павла, глаголющаго тако: *елицы во Христа крестистеся, во Христа облекостеся*, яко бы сій его гласъ пособствовалъ вамъ не сколько в мудрованіи триперстнаго по (л. 8) васъ сложенія, но сіе ко оному никако не слѣдуетъ.—Неужели вы и сіи святаго апостола Павла слова, писанныя имъ к Римлянамъ (глав. 6, стих 3, 4), к вашему мудрствованію причислите: *елицы во Христа Г҃са крести-хомся, в смерть его крестихомся*; и паки: *спопребохомся Христу кре-щеніемъ в смерть, да яко же Христостъ воста от* (л. 8 об.) *мертвыхъ словою Отчею, тако и мы во обновленіи жизни ходити начнемъ?* Но сіи апостольскія слова не к наглаголанію человѣчества во святѣй Троицѣ принадлежать, но в погружени трикратномъ крещаемаго состоять. Благоволи в доказательство сего прочести в Большемъ катихисисъ о крещеніи во главѣ 60 сице (л. 9) писанное: се известно есть, яко истово и истинно, тогда и погрѣбени бываемъ. Глаголеть бо Павель: съпогребшеся Ему крещеніемъ, о Нем же и совостасте вѣрою дѣйствомъ Бога, воскресившаго из мертвыхъ, покрывающе иже наши грѣхи водѣ в погружени, и воскресаемъ сиречь раздаемся внегда (л. 9 об.) от воды возвождени бываемъ; трижды же сіе творимъ по подобію тридневнаго, погребенія и воскресенія Христова. Ниже: духовне же и невидимо умираемъ и раздаемся во святомъ крещеніи.

Патріархъ: аще ты оныя апостольскія рѣчи и отводиши от нашего разума во свой, како же имаши отвести (л. 10) сія ясныя слова святаго апостола и евангелиста Луки, писанныя в Дѣяніяхъ апостольскихъ (зач. 42) тако: слышавше же крестишаися во имя Господа

Іса. Видиши ли здѣсь уже не смерть и не обліченіе являють словеса сія, но сущій разумъ, яко крестишаася во имя Іса.

Епископъ: азъ на сіе твое предложеніе, честнѣйшій (л. 10 об.) отецъ, единственно собою отвѣщевати не хощу, но лучшее предлагаю ти готовый соборный нашъ на таковый же вопросъ отвѣтъ, писанный по благословенію святыхъ нашея церкви и засвидетельствованный святѣйшими патріархами, напечатанный во оной же книзѣ, глаголемой Катихизисъ Болшой во главѣ 61.—Вопроство: (л. 11) а еже в Дѣяніяхъ апостольскихъ чтемъ, яко святіи апостоли во имя Господа Іса Христа крещаху,—како се имамы разумѣти? Отвѣтъ: сици намъ о семъ подобаетъ разумѣти, еже по вознесеніи Самъ Господь рече ко ученикомъ Своимъ: *и шедше убо, научите вся языки, крестяще ихъ во имя Отца и Сына* (л. 11 об.) и *Святаго Духа*.—А еже во апостольскихъ Дѣяніяхъ рече апостолъ: *слышавше крестишаася во имя Господа Іса*, сіе знаменуетъ, иже вѣру пріяша, яже во Христа Іса. Слыши, яко вѣрѣ вѣщаеть глаголия: во грядущаго по нѣмъ да вѣрють, сиречь во Христа Іса. Сего ради наиначе вѣру в Господа нашего Іса Христа в сердца человѣческая (л. 12) преподаяху, страсти же и смерть и воскресеніе Его из мертвыхъ и исправленіе являху. Подобно же сему во святѣмъ Писаніи на многихъ мѣстѣхъ святый Духъ Божій нарицается духомъ Христовымъ. И тако неужели намъ мнѣти, яко онъ от Христа виною происходителю бываетъ? Или согласяся (л. 12 об.) с латинами исповѣдовати от Отца и от Сына исхожденіе Духа Святаго? Но мы, по православному восточныи церкви исповѣданію, никогда же исповѣдаемъ Духа Святаго от Отца и от Сына исходяща, но от единаго точію Отца; а еже духъ Христовъ святый Духъ нарицается в Писаніи, то сіе (л. 13) точію за единосуществіе приемлется Сына во Отцу, и не за самое от Христа Духу Святому начало и чистасное существенное происхожденіе, то всемъ святымъ восточнымъ богословамъ и церковнымъ учителемъ будемъ (л. 13 об.) противни, ибо во Христѣ исповѣдуемъ мы два естества, а в Богѣ Отцѣ едино естество и существо. Еще же и Христосъ нигдѣ Отцемъ ни от кого ни нарицается; Духъ же святый согласно вси учители от единаго Отца исходяща проповѣдуютъ. Убо Духъ Святый от Христа начално не происходит, (л. 14) но точію за единосуществіе тако Христовымъ нарицается, а виною исхожденія, яко к сущему преначальному началу безначальному Отцу относится; аще и глаголемъ духъ Христовъ, но токмо тогда же в мыслѣхъ воображаемъ, что онъ исходить от единаго святаго чистаси (л. 14 об.) Бога Отца, а не от Сына. Тако по сему

прикладу и крещеніе во имя Господа Іса можетъ быти. Еще же видѣть и во Евангеліи Толковомъ на вознесеніе Господне (лист 105)—како о семъ писано? Тако: о имени же Христовѣ крещеніе в смерть Христову разумѣвай; яко же бо Христосъ умеръ, в третій (л. 15) день воскресе, тако и мы погружаемы в водѣ образно, также возникаемъ нетлѣнніи душою и духа нетлѣннія залогъ пріемлюще.

Патріархъ: хотя разумно ты на мое предложеніе предлагаешъ готовыя ответствія и богословскія разсужденія, однако никакъ (л. 15 об.) тебе невозможно в Сына Божія не исповѣдывать человѣчества.

Епископъ: азъ не точію сего усты исповѣдывать, но и помыслити никогда же хочу, еже бы Сына Божія не вѣровати совершенна Бога, вкупе же и быти совершенна человѣка, и на неисповѣдающихъ (л. 16) во Христѣ дву естеству со святыми соборами согласно анафему полагаю.

Патріархъ: како же ты нынѣ разумѣши—по вознесеніи на небеса Сына Божія быти во святѣй Троицѣ—нагимъ ли единимъ божествомъ или и с человѣчествомъ?

Епископъ: глаголемъ мы в символѣ святыя (л. 16 об.) вѣры о Христѣ тако: *и возшедшаго на небеса и спѣдаца одесную Отца*. Святіи же и бѣгословесніи отцы преподобный Максимъ Грекъ в своей книге и проч. по воскресеніи и по вознесеніи плоть Господню не исповѣдалось совершенно в божество преложшуюся, но точію проповѣдают (л. 17) обоженную; якоже и в Катихисисѣ Малом, в четвертом отвѣте на шестый сій артикулъ святыя вѣры, писано тако: яко плотю Христосъ на небеси точію есть, а не вездѣ, по апостолову словеси: Христосъ есть одѣсную Бога сѣдай. И тако мы еще со святымъ богословомъ (л. 17 об.) Діонисиемъ Ареопагитомъ (о священнонач. глав. 1) на сіе возглаголемъ: весма бо несмѣемо есть глаголати, ни помышляти о вышесущественѣм божествѣ кромѣ яже божественѣ намъ от священныхъ словесъ откровена суть; горная же и выше нась зrimая низшедшими откуду к намъ благодатнѣ (л. 18) от Отца свѣтломъ и взысковати и изъявляти лѣпо есть; не елико не сътны разумъ возскакаетъ, но елико уставлено от наученыхъ божественною благодатию Божія таинства пророковъ и апостолов и по нихъ богоухновенныхъ отецъ и учителей. И аще нѣкая (л. 18 об.) зрящимъ намъ не разумѣваемъ пребывають, того ради не приложимъ к божественному писанію неможенія или простоты, но молчаніемъ, яже выше нась почетше возлюбимъ реченная от нихъ, и в тѣхъ пребудемъ. Вам же аще и весма желательно показати в триперстномъ (л. 19) вашемъ сложеніи таинство

воплощенія Сына Божія, однако надъемся крѣпко на Христа Спасителя нашего, предавшаго намъ древнее святое двуперстное сложеніе, чтобы яко въ своемъ сложеніи не можете никогда двоихъ Христовыхъ естествъ православно (л. 19 об.) изобразити, тако и насть за истинное оныхъ изображеніе пострамити.

Патріархъ: пострамляется вы явно, понеже Сына Божія по Несторію еретику въ двуперстномъ вашемъ сложеніи разнъствено раздѣляете, ибо въ триехъ перстахъ упостась (л. 20) Сына Божія исповѣдаете, а не тако, яко же мы оба таинства православно въ сложеніи триперстномъ поучаемъ исповѣдати,—и тако онимъ сложеніемъ вся кому христіянину крестъ на себѣ воображати.

Епископъ: напрасно ты, священній отецъ, Христово преданіе тако (л. 20 об.) дерзостию порицаеши, еже Несторіанствомъ хули облагаети.—Мы во ономъ Христопреданномъ перстосложеніи согласно со святымъ Іоанномъ Дамаскиномъ (Бог. глав. 6) не въ два лица Христа раздѣляемъ, но во дву естествахъ несмѣшно его познаваемъ и тако содержимъ (л. 21) оба таинства святыхъ вѣры, яко же изложиша святіи велицкіи богословніи учителіе Афанасій великий, Кирилъ Александрійскій, Анастасій блаженный патріархъ Антіохійскій, святый Максимъ исповѣдникъ и преподобный Максимъ Грекъ. А еже (л. 21 об.) ти изволиши хвалитися вашимъ нынѣ нововводѣннымъ изложеніемъ, яко обой таинства исповѣдаете въ триперстномъ вашемъ сложеніи, то сего мы изложенія до сихъ временъ (о чесомъ и самъ извѣстенъ еси) ни отъ кого же слышахомъ. (л. 22) Ибо въ триперстномъ сложеніи точка тричисліе и единоестественность видится быти, а двоицы никакожду познавается. Мы же тако таинствинно вѣру православную содер жимъ: исповѣдаемъ въ трехъ перстахъ прообразователю тріупостаси (л. 22 об.) святую Троицу единосущную, неописанную, неограниченную, безначальную и безконечную, бессмертную и безстрастную, есте ство совершенно єдино непостижимое и неизреченное; въ двухъ же перстахъ прославляемъ таинство воплощенія Сына Божія совершеніи Бога (л. 23) и совершенна человѣка во дву естествахъ на земли быша и по воскресеніи изъ мертвыхъ на небо вознесшагося и нынѣ однную Отца съдаща; также исповѣдаемъ во дву естествахъ неизреченно и недомыслимо, ибо по Катихисисному шестаго артикула вѣрь отвѣтствію, (л. 23 об.) яко Христость плотю на небеси точю есть, не вездѣ, и тако плоть Христова ограничена есть. Божественное же существо мѣстомъ не описується, но православно всемъ исповѣдается быти вездѣ съй и вся исполняя,—то како будуть у васъ оба сіи христіянскія (л. 24) таинства въ единомъ триперстное сложеніе изобра

ватися? И како по святому Дамаскину свойства Христова цѣла во ономъ сохраныи имутъ быти? Како бессмертное смертныи, беззначалное с начальнымъ, не описаное со описаннымъ, неограниченно (л. 24 об.) со ограниченнымъ, невидимое с видимымъ, безтелесное с телеснымъ, в единобестественномъ вашемъ триперстномъ сложении пребыти могутъ? Остави, остави, пастырю добрый, таковое несогласное со святою богословію начинаніе, еже странно и незнамо (л. 25) до нынѣшихъ временъ трема персты знаменоватися и пребуди лучшее во узаконеніи начальникъ самою нашей вѣры и совершиителя Іса и Его богоулюновенныхъ ученикъ, всепремудрыхъ нашихъ учителей, иже правовѣрно предаша намъ исповѣданіе (л. 25 об.) христіянскія вѣры, со онимъ же и прообразователное обоихъ таинствъ святое древнее двуперстное сложеніе, им же начертаемъ на себе крестное воображеніе.

Патріархъ: для чего намъ глаголеши невозможнo в триперстномъ изъобразити (л. 26) тайну воплощенія Сына Божія, ибо Онъ единосущенъ есть Отцу и Святому Духу, то како Его от Отца и Святаго Духа отлучити возможно?

Епископъ: неправославное сie будеть исповѣданіе, по самое еретическое, еже Сына Божія отлучати единосуществія (л. 26 об.) Отца и Святаго Духа. Мы же никогда Его не отлучаемъ, но тако Сына Божія быти исповѣдаемъ, якоже Самъ Онъ во святѣмъ Евангеліи глаголеть (Іоан. глав. 14): *Азъ во Отцѣ и Отцѣ во Мнѣ есть*, но точію по Евтиху зломудренному и Діоскору зѣло опасаемся два естества Сына Божія во едино (л. 27) сліяти и симъ святую Троицу уничтожити. Ибо сами вы исповѣдаете святыя Троицы существо божественное беззначально и безстрастно, а Христа Сына Божія проповѣдаете согласно с нами беззначально и начально, безстрастно и страстно, неописанно по божеству, описана (л. 27 об.) же по человѣчеству. И тако аще два естества Христова во единомъ естествѣ святыя Троицы чрезъ гласы святыхъ великихъ богословцевъ Афанасія великаго и прочихъ проповѣдаете, то уже кому вы послѣдуете, сами судите. Евтихъ проклятый еретикъ с Діоскоромъ (л. 28) не восхотѣ прославляти два естества во Христѣ, но точію зломудренно умыслиша едино естество сліятелное изъ двоихъ естествъ проповѣдати, за что от собора святыхъ отецъ вѣчное проклятие со всѣми своими послѣдователи наследствова. Какое же (л. 28 об.) его и сліяніе будеть, аще не сie: еже во едино смысити естество, оба глаголю и человѣческое, и Сына Божія проповѣдати единобестественна, а не во двоихъ естествахъ по вашему православному мудрствованію, не слитно и не раздѣльно познаваема.—И от

сего, честнѣйшій (л. 29) архипастырю, зъло вси православно мудрствующія под паствою вашею смущаются, еже во единоестественнымъ исповѣданіи святых Троицы мудрствовать Христа Сына Божія во едином естествѣ, дабы та новымъ исповѣданіемъ не послѣдовати ученію предъявленнымъ (л. 29 об.) отступникамъ Евтихію и Діоскору и прочимъ единоестественна сліятелно Христа мудрствующимъ.

Патріархъ: мы Христа исповѣдаемъ во дву естествахъ божественномъ и чловѣческомъ, а не сливаемъ по Евтихію во едино естество.

Епископъ: аще же во дву естествахъ (л. 30) несліятелно Христа исповѣдаете быти, то како его во едином естествѣ двоеестественна суща мудрствуете? Ибо в триперстном вашем сложеніи прообразуете святую единосущную Троицу и глаголете во святѣй Троицѣ единоеество; се едино таинство богословіи. (л. 30 об.) Но какъ симъ невозможно вамъ начертовать крестное на себе изображеніе, понеже на крестѣ божество не страдало, то вамъ нужда неотмѣнная прииде во ономъ же триперстномъ сложеніи и вторую тайну воплощенія Сына Божію исповѣдовати.—Но в сей (л. 31) тайнѣ не едино, но два естества всеми согласно проповѣдаются быти, то како же в триперстномъ вашего исповѣданія по святымъ великимъ богословамъ два Христова естества изъобразоватися могутъ — недоумѣю. Уже когда единоглаголевши быти во (л. 31 об.) святѣй Троицѣ простое существо и несложное ни с какихъ частей, то оно едино и пребываетъ; и тако Сынъ Божій несложного существа, но единствено простаго, якоже и вси исповѣдаемъ во святѣй единосущный Троицѣ тако Его быти. Но Христость (л. 32) есть существа сложнаго, а не простаго; убо сложное и простое существа в трیехъ перстахъ купно прообразоватися не могутъ, понеже сложеніе триперстное едино существо изъявляетъ, то оное или будетъ простое или сложное. Аще (л. 32 об.) простое, то сложному тамо существу по всѣмъ уставамъ богословскимъ и филосовскимъ невмѣстимо бысть. Аще же сложное существо прообразуется, то простому существу единосущественно невозможно быть.

Патріархъ: тонко ты весма (л. 33) доказываешь филосовскимъ разумомъ; а не знаели ли того, что во Христѣ все вышеестественно и намъ непостижимо, точію оное таинство вѣрою единою восприемлемо.

Епископъ: правду изволиши глаголати, что яко о святѣй Троицѣ мудрствовать, (л. 33 об.) тако и о Христѣ любоцтвовать естественнымъ разумомъ трудно есть, да и безъ просвѣщенія святаго Духа крайне невозможно. Но азъ не о себѣ хвалися, тако ты предъявляю,

ибо все оное созидаю на учениі премудраго учителя и великаго (л. 34) поборника вѣры христіянскія бѣсловеснаго нашего пастыря Афанасія Великаго (Катихис. Мал. и во Псалт. Бол. и Мал.); како онъ во изложеніи православныхъ вѣръ глаголалъ, тако и азъ ти вѣщаю и ни въ чемъ противъ его ученія не погрѣшаю. Онъ егда о простомъ Божіемъ существѣ (л. 34 об.) святыхъ Троицы бесѣдоваль, тогда никакоже сложнаго существа ту не вмѣстиль. Егда же совершенно изъяснилъ онаго вси свойства, тогда і о сложнѣмъ Христовѣмъ существѣ возглагола и весьма порядочно вси и сего существа свойства (л. 35) оказалъ, и тако оное свое бѣсловное каѳолическая вѣры исповѣданіе утверждаетъ, что аще кто сего цѣло и непорочно не соблюдаетъ, кромѣ всякаго недоумѣнія во вѣки погибнетъ, и паки конечно оно сице утвердило сія есть каѳолическая (л. 35 об.) вѣра, ея же аще кто вѣрио и извѣстно вѣрити не будетъ спастися не возможно. Не должно ли намъ безъ всякаго размышенія лутчее покаратися толикуму и таковому презнатному учителю и великому богослову, съ нимъ же и всей православнѣй (л. 36) церкви? Ей должно и необходимо нужно, по гласу святаго апостола Павла, всесерковнѣ намъ присно сице поучающаго (Евеомъ зачало 334): *помнайте наставники ваши, иже глаголаша вамъ слово Божіе, ихъ же взирающе на скончаніе житѣльства, подражайтъ вѣрѣ ихъ. Гдѣ Христосъ вчера и (л. 36 об.) днѣсь, Той же и во вѣки.—Въ наученія странна и различна не прилагайтесь.*

Патріархъ: да како же ты мудрствуещи о Святѣй Троицѣ, егда Христосъ крестился отъ Иоанна во Іерданѣ, ибо въ тропарѣ онаго праздника поется тако: во Іорданѣ крещающу Ти сѧ, Господи, тройческое явися поклоненіе, (л. 37) родителевъ бо гласъ свидѣтельствование Ти, возлюбленного Тя Сына именуя, и Духъ въ видѣніи голубинъ извѣстоваше словеси утвержденіе; явлѣйся, Христе Боже, и миръ просвѣщай—слава Тебѣ.—И тако Христосъ по оному тропарю будетъ ли (л. 37 об.) чистасію во святѣй Троицѣ? Аще скажеши будетъ, то не въ чемъ и нась зазирати, что мы исповѣдаемъ оба таинства въ триперстномъ сложеніи. Аще же како о ономъ усумнишися речи, то покажи сумнѣніе твое отъ святаго Писанія (л. 38) и разрѣши оное правилно.

Епископъ: о Бозѣ намъ совершенно любопытствовать не возможно, такожде и о воплощеніи Сына Божія, якъ ты изволилъ пѣрвіе и самъ исповѣдати, что точію единую вѣрою вѣрующимъ правовѣрно (л. 38 об.) таинство оныя воспріимати долженствуетъ, понѣжѣ о Бозѣ глаголати вся не возможно, ибо все преестественно, все непостижимо и отъ ума нашего весьма закрыто, прежде даже разумѣвати отбѣгаеть и прежде даже мыслю касатися (л. 39) скрывается; два бо пути ко святѣй богословіи

предлежать, якоже святый и премудрый богословецъ Иоаннъ Дамаскинъ глаголеть: едіній неизглаголанный, а другій изглаголанный. Неизглаголанный—есть путь весь непостижимъ и точію зря на него (л. 39 об.) молчати во ужасѣ и трепѣте надлежитъ. Изглаголанный же той, иже проідоша по немъ святіи велицыи духопросвѣщенніи богословы и намъ къ шествованію малыя стези содѣлаша, по немъ же аще со благовѣніемъ шествовать потішимся, тогда (л. 40) всенадежно от истиннаго пристанища, въ неже достигоша оныи духопросвѣщенніи велицыи учителіе, заблудити не можемъ, что мы всѣми силами и усердствуемъ онымъ послѣдовати, якоже великому въ богословіи (л. 40 об.) святому Афанасію великому, тако и премудрому Анастасію патріарху Антіохійскому и духопросвѣщенному Кирилу Александрійскому и святому Максиму, иже сице намъ о Святѣй Троицѣ мудрствовати и разумѣвати (л. 41) поучающихъ: да почитаемъ единаго Бога въ Троицѣ и Троицу во единице, ниже сливающе составы, ниже существо раздѣляюще; и исповѣдати во Святѣй Троицѣ едино естество, три же составы; божественныя же свойства ко Святѣй Троицѣ прилагати (л. 41 об.) таковые: несозданная, единосущна, безначальная, неописанная и вездѣсущая, мѣстомъ никакоже ограниченная, но иже вездѣ сый и вся исполняется.—И егда о Святѣй Троицѣ велицыи оные богословы поучаются, тогда въ словесахъ оныхъ (л. 42) никакія плоти не изъявляютъ, но паче присвоо безплотно и невещественно естество Святых Троицы преестественно сущее исповѣдаются. Еще же и имени сего Хс во Святѣй Троицѣ не наглаголють, но точію Сынъ и Слово Божіе, и утверждаетъ сіе тако: (л. 42 об.) хотій убо спастися, тако о Святѣй Троицѣ да мудрствуетъ. Егда же кончать словеса о единомъ естествѣ Святых Троицы, тогда і индѣ подъ симъ видится червлеными словами напечатано сице о Христѣ: по нужно есть къ вѣчному (л. 43) спасенію, да і о воплощениі Сына Божія Ісса Христа извѣстно вѣровати. Есть же правая вѣра, да вѣруемъ і исповѣдаемъ, яко Господь нашъ Іс Христос Сынъ Божій—Богъ и человѣкъ есть. Богъ отъ существа Отча прежде вѣкъ рожденный и къ сему прилагаются безгрѣшное (л. 43 об.) страданіе и прочія человѣческія свойства, кіихъ никакоже въ первомъ таинствѣ Святых Троицы не воспомянуша, но тамо глаголется едино естество и существо,—зде же два; тамо въ единомъ существѣ три ипостаси, зде же (л. 44) въ дву существахъ едина упостась.

## II.

Сказание о страданіи и скончаніи священномученика Павла епископа Коломенскаго.

(Печатается по рукописи Императорской Публичной Библиотеки О. XVII. № 50. См. Отчетъ ея за 1890 г., стр. 167—177, № 53 (второй выпускъ Описания рукописей собранія П. Д. Богданова) и листр. Макарія Исторію раскола, примѣч. 445-ое. Заглавіе сказанія въ настоящей рукописи писано киноварью. Варіанты изъ рукописи В. М. Ундельского № 515, относительно коей собиратель замыкаетъ въ своемъ Описаніи: «рукопись замъчательная. Первая статья (т. е. настоящая) безъ мѣри и о рѣдкага».

(л. 97) Грядемъ къ сказанію осмьмь тысячи 162<sup>1</sup> году съ Никонова царствования, отъ того<sup>2</sup> времени сей предивный страдалецъ противился<sup>3</sup> Никонову новопреданию и опасный хранитель святоотеческихъ древнихъ (л. 97 об.) содержаній, священный архисерей и Божій человѣкъ Павель<sup>4</sup> Коломенскій. Сей за имя Господа Христово и за древлецерковное православіе посланъ бысть въ заточеніе въ Олонецкой уѣзда въ Палеостровскій монастырь, идѣже нѣкое время пребыть; тамо свободно поучая народы и утверждая жити во святоотеческихъ преданіи и благочестіи (л. 98) ревновати. Сей подражатель<sup>5</sup> во всемъ отцемъ святымъ и приходящихъ отъ Великороссійской церкви новокрещенныхъ покрещевать<sup>6</sup> истиннымъ крещеніемъ, заповѣдоваше новорукоположеннымъ<sup>7</sup> Никона не пріимати іереевъ, но и заповѣдающе весма о семъ<sup>8</sup> правильно, сказуя быти истиннымъ христіяномъ хотащимъ правымъ евангельскимъ (л. 98 об.) путемъ по немъ вестися, не пріимати отъ таковыхъ ни единаго тайны. О чёмъ свидѣтельствуютъ вси священни мужіе, якоже Соловецкія обители иноческаго чина и священноиоцы, ихъ же бѣ великий соборъ той святаго обители, иже послѣди вси отъ новолюбителей<sup>9</sup> страдальческою колесницею<sup>10</sup> въ небесная села (л. 99) посланы быша; тако и прочіи множайши священнострадальцы и елико иноческаго чина и мирскаго народа людіе древніи<sup>11</sup> и прощеніе тако сицевое людское священному епископу Павлу. Нѣкогда убо добріи его<sup>12</sup>

<sup>1</sup> 160. <sup>2</sup> того же. <sup>3</sup> противится нача введеніемъ въ Россійскую церковь Никоновыми новинамъ и тщающеся гранить быти святоотеческихъ древнихъ преданій. <sup>4</sup> вѣт.: епископъ. <sup>5</sup> вѣт.: бысть. <sup>6</sup> вѣт.: повѣль. <sup>7</sup> новорукоположеніемъ никакоже пріимати. <sup>8</sup> вѣсть. <sup>9</sup> новолюбцевъ. <sup>10</sup> кончиною. <sup>11</sup> некогда. <sup>12</sup> Павла епископа.

послушницы вопросиша сего святаго мужа, предлагающе ему великия  
своя нужды во іерействѣ, рекуще: о (л. 99 об.) преподобне священный  
нашъ страстотерпче святый и великоподвижный <sup>13</sup> отче! Аще твоя  
святыня от насъ сирыхъ в будуща преселится и угаснетъ на земли  
святая и безкровная жертва и священство до конца погибнетъ, кто намъ  
возможеть священства <sup>14</sup> свѣтильникъ святыя Божія службы, понеже,  
священнишій нашъ отче, имѣшъ (л. 100) воздательную благодать во  
іереохъ и вси святые церковныя тайны тобою освящаются? Аще ли  
ты, священнишій отче, сего свѣтильника не возжеши, то воистину  
угаснет в насъ видимое священство, и тогда всѣмъ вѣрнымъ велія  
будетъ нужда нынѣшняго времени и грядущаго по настѣ братіи нашей.  
Тогда отвѣща к пимъ священный епископъ (л. 100 об.) Павель: братія  
моя духовная и друзи о Христѣ! Еще Великороссійская церковь  
имѣеть три свѣтильника в нѣдрахъ своихъ, ихъ же <sup>15</sup> святолѣтнѣ содер-  
жить в себѣ, занеже хранить древнія нашей святые церкви непороч-  
ное <sup>16</sup> благочестіе; на сихъ полагатися вамъ подобаетъ. Сіи священни  
мужіе, великия ревности <sup>17</sup> благочестія исполнени (л. 101) баҳу. Тогда  
паки вопросиша священнаго сего мужа епископа Павла честніи нѣцы:  
пришедши священноноцы и иноцы и простіи благочестивіи людіи,  
рекоша ему: о комъ сія глаголещи, святый <sup>18</sup> нашъ владыко, и которые  
свѣтильники свѣтло горящія древле святымъ благочестіемъ показати  
намъ хощеши? Просимъ твою святыню явити намъ (л. 101 об.) сихъ  
и не оставити сирыхъ чадъ своихъ. И рече же имъ духовный <sup>19</sup> Павель:  
Макарія глаголю митрополита Новогородскаго, сего вамъ свѣтильника  
показую, <sup>20</sup> хранящаго в нѣдрахъ своихъ свѣтъ истинный древніаго  
благочестія. Втораго реку вамъ подобна первому свѣтильнику Мар-  
кела архіепископа Вологодскаго; сей бо такоже хранить древніи (л. 102)  
святые церкви разум, в ней же бяше крещенъ и рукоположенъ истинно.  
Тако же и третіяго свѣтильника глаголю вамъ Александра епископа  
Вятскаго; сей аще и остави престоль свой, не соизволи пріяти Нико-  
нова новопреданія, затвориша в кѣліи и с плачемъ и рыданіемъ древ-  
нѣе благочестіе в нѣдрахъ своихъ сохраняетъ. Обаче три (л. 102 об.)  
сія свѣтильника <sup>21</sup> на своихъ еще престолахъ тогда и во своихъ епар-  
хіяхъ и рукополагаемыхъ своихъ священниковъ укрѣпляху, еже новинъ  
не пріимати и сами служаху и благословляху, якоже исперва пріяша  
от святыхъ пастырей, по древлецерковному обычаю совершаху Божія

<sup>13</sup> великий подвижниче. <sup>14</sup> священства иѣтъ. <sup>15</sup> иже. <sup>16</sup> непорочно.

<sup>17</sup> исполнѣніи суть. Тогда. <sup>18</sup> ест.: отче. <sup>19</sup> духовносный. <sup>20</sup> сказую. <sup>21</sup> своихъ  
священниковъ.

службы. Азъ же своего престола изгнанъ есмь <sup>22</sup> уже и что (л. 103) имамъ сотворити <sup>23</sup>, яко своего престола изгнанъ есмь? Вы же еще святыхъ отецъ и древнѣе церковное преданіе содержите твердо и буди на васъ Божіе благословеніе отнынѣ и до вѣка. Еще же вамъ глаголю другомъ моимъ, яко есть мужіе небеснаго званія и нераздорницы святыя церкви: въ васъ самѣхъ есть мужи священноноцы и иноцы и простіи (л. 103 об.) благочестивіи мужіе, боящіися Бога, сами себѣ <sup>24</sup> опасно и безбѣдно соблюдающе <sup>25</sup>, могутъ и приходящихъ къ нимъ пользовати и помогати; въ приключающихся нуждахъ другъ другу помогайте. Буди на всѣхъ васъ благословеніе Господне отнынѣ и до вѣка. И посемь времени малу прешедшу преподобный и священный отецъ нашъ Павель (л. 104) пророчески прорече о своемъ отшествіи къ другомъ своимъ: инынѣ, друзья мои и сострадальцы Христовы, чаю скораго моего отъ васъ разлученія и разрѣшити ми ся бренныя моей плоти и со Христомъ жити <sup>26</sup>, горя духомъ всегда желаніе мое есть въасъ не оставляти.—И потомъ времени не въ долзъ и <sup>27</sup> къ Новгородскимъ страшамъ отвезенъ; и тамо повелѣніемъ (л. 104 об.) всезлобнаго Никона, все дерзновеннымъ <sup>28</sup> смѣлости, безстудніи и звѣрообразніи супровѣйши слези лютаго мучителя по многомъ <sup>29</sup> мученіи не священніи архиерей всепреосвященнаго Божія архиерея, увы, жалостно окончаша святаго супровіи мучители: въ струбѣ бо, здѣланномъ на то, яко агнецъ непорочень, огненnoй смерти не (л. 105) милостивно предаша <sup>30</sup> въ лѣто 7164. И тако всепреосвященный Павель епископъ, принося Господеви всеосвященную жертву, наконецъ самого себя въ жертву чисту и святу Господеви принесе, страдальческую пріять кончину и въ небесная села, яко огненною колесницею вознесенъ бысть.

Еще повѣдаю вамъ о игуменѣ Досиѣи Новгородскія области и о соборѣ священныхъ епископъ и прочихъ (л. 105 об.) священныхъ мужей и богоносныхъ отецъ Соловецкихъ. Посемь же явися инъ <sup>31</sup> мужъ свить житиемъ, словомъ и дѣломъ велий, въ добродѣтелехъ просіявый яко солнце, въ Новгородскихъ предѣлехъ, игумен именемъ Досиѣй, бывшій Никольскаго Бесѣдовнаго монастыря, разстоянiemъ отъ Тихвина 3 поприща имѣющъ. Сей мужъ старостю и добродѣтелю (л. 106) украшенъ, также ради новыхъ догматовъ и належащаго ради гоненія и принужденія оставилъ свой монастырь, укрывался по разнымъ мѣстамъ, яже часто прибываля къ пустыніи нѣкоей Курженецкой обители, построеніе <sup>32</sup> преподобнаго отца

<sup>22</sup> вѣт.: инынѣ. <sup>23</sup> Вы же. <sup>24</sup> себѣ ильго. <sup>25</sup> соблюдаются. <sup>26</sup> вѣт.: быти желаю, съ вами же горя. <sup>27</sup> прешедшу. <sup>28</sup> о дерзновенії. <sup>29</sup> вѣт.: томленіи и по многомъ. <sup>30</sup> предается. <sup>31</sup> имъ. <sup>32</sup> во строеніи.

Евфросина, в ней же и святых церкви баху, в нихъ же священный отецъ Досией, собираясь со многими великими отцами (л. 106 об.) и с постники и со знаменоносцы, понеже бо тамо от многихъ странъ собравшеся от Соловецкія обители нѣцы боголюбивіи, и тамо службу Богу за весь міръ выну <sup>33</sup> приношаху. Приходящіи же, которая от Великороссійскія церкве людіе крещеные по новымъ Никоновымъ книгамъ и уставамъ, покрещевати судиша тѣхъ всѣхъ по (л. 107) соборному уложенію по благословенію священныхъ епископъ и игуменовъ и архимандритовъ и священноиноковъ и иноковъ и всѣхъ священныхъ мужей, за древлещерковное святое благочестіе стоявшихъ мужественно, священноепископа <sup>34</sup> Павла Коломенскаго, священнаго Макарія митрополита Новогородскаго, и священнаго Маркела архиепископа (л. 107 об.) Вологодскаго, и священнаго епископа Александра Вядкаго, и священнаго архимандрита Никандра <sup>35</sup> духовника царева, и священнаго архимандрита Иліи Соловецкаго, и сего игумена Досиою Бесѣдовнаго Тихвинскаго, и великоревностнаго страдальца Аввакума протопопа, и Логина, и Лазаря, и Никиты, и Іова, Варлаама, Иліи, и Пафнутія, (л. 108) Іоанна протопопа Московскаго и Соловецкихъ и всего священнаго собора отецъ и прочихъ знаменоносныхъ мужей великихъ и духовныхъ. Бысть о семъ соборное уложение всѣхъ сихъ отцевъ во означенной пустыни, в ней же первый предсѣдательствуя <sup>36</sup> священноепископъ Павелъ Коломенскій изустнымъ своимъ приказаниемъ и заповѣданіемъ (л. 108 об.) Досиою выше помяненному игумену своеручную <sup>37</sup> ему данною грамотою, на соборъ принесенною, в ней же и анаемы на новоявлѣшія Никоніансты <sup>38</sup> и на ихъ новыя не богоугодныя доктрины положени суть вѣчныя клятвы. Подобнѣ же и Макарія митрополита Новогородскаго такова же бѣ прислана грамота с келейникомъ его старцемъ Симеономъ, (л. 109) в ней же вси Никонова новшества анаематисуетъ <sup>39</sup> и никакихъ тайнъ от нихъ <sup>40</sup> примати не повелѣваетъ <sup>41</sup>. Такожде и от Маркела епископа Вологодскаго грамота своеручная, подобна симъ присланная; такожде и от Александра Вятскаго епископа своеручная грамота прислана бѣ,— в нихъ же во всѣхъ <sup>42</sup> нововынклая Никоніанская ересь не богоугодная преданія и доктрины. (л. 109 об.) Такожде и от Соловецкихъ отецъ соборная грамота бѣ. И от всѣхъ <sup>43</sup> вышеозначенныхъ страдалецъ свое-

<sup>33</sup> выну ильть. <sup>34</sup> священномуученика Павла епископа. <sup>35</sup> Никандра. <sup>36</sup> предстательствуя. <sup>37</sup> и своеручно. <sup>38</sup> Никоніансты. <sup>39</sup> анаематисуетъ и никакихъ <sup>40</sup> техъ. <sup>41</sup> не повелѣваетъ. <sup>42</sup> новыни Никоніанский не богоугодныя преданія и доктрины анаемъ предаются. Такоже. <sup>43</sup> всѣхъ ильть.

ручныхъ ихъ снесошася грамоты<sup>44</sup>, въ нихъ же во всѣхъ Никономъ внесенная вся новшества отлагаются и вся таинства тѣхъ новодѣйствуемыя отмечаются и всяко<sup>45</sup> непріятни въ христіанѣхъ творятся. По нихъ<sup>46</sup> же смотрячи священни ои отцы (л. 110) соборнѣ всяко рассудивше и по правиломъ апостольскимъ и отеческимъ и по святособорному изложению блаженнаго и многострадальнаго Филарета патріарха Московскаго и всей Руссии уложиша за пріятіе въ Великороссійскую церковь явственныхъ латынскихъ множайшихъ и сквернейшихъ ересей приходящихъ отъ той весма покрещевати (л. 110 об.) и рукоположеніе тѣхъ не въ рукоположенія положиша, но второе рукополагати таковыя отъ самыхъ священныхъ епископы, аще будуть Божіимъ благоволеніемъ блюдомы негдѣ древлecerквиаго благочестія священни архіереи; аще ли же кто симъ погордѣвъ отъ непокорства своего соборное установленіе священнихъ отецъ и (л. 111) архиепископъ и<sup>47</sup> боголюбивыхъ страдалецъ преступить или нарушить въ коей любо венци положеніе противно святыхъ отецъ и не будетъ покаряться святой церкви,—той да отлучится отъ всего общества христіанскаго и не вмѣнится въ православныхъ христіанѣхъ, но за<sup>48</sup> раскольника да причтутся таковіи и<sup>49</sup> раздиратели. Подобиъ сему (л. 111 об.) и Афанасій патріархъ Цареградскій въ то время на Москвѣ бывъ и Никонова новшества низлагаетъ и отмечаетъ святая<sup>50</sup> церкви, ниже<sup>51</sup> крещеніе отъ таковыхъ, ни рукоположеніе, ниже ино что повелѣша примати, по отметнуша, послѣдующе древнимъ святыхъ отецъ соборомъ. И якоже бывый древний<sup>52</sup> священномуученика (л. 112) Кипріяна, иже во Африце соборъ той области со епископы помянувше, въ немъ же бо повелѣвается отъ всякаго еретика и раскольника святая церкви крестившихся отъ<sup>53</sup> таковыхъ, паки покрещевати правовѣрнымъ совершенно въ три погружения,—сице бо тако уставиша и заповѣдана всѣмъ грядущимъ по нихъ святая церкви россійскимъ сыновомъ (л. 112 об.) тако дѣйствовать и хранити таковая во спасеніе душамъ христіанскимъ даже до скончанія вѣка. Къ симъ же и руки своя приложиша и принесоша соборное оное установленіе священному Павлу епископу и многострадальному. Той же пріять оное и похваливъ разумъ священнихъ мужей яко и кромѣ самоличнаго (л. 113) присудствованія пастырей своихъ священнихъ архіереевъ боголюбезнаго установленія<sup>54</sup> въ соборный святой церкви во

<sup>44</sup> своеручная ихъ внесошася грамота. <sup>45</sup> вѣст.: не приемлются и вѣсма.

<sup>46</sup> но ихъ же. <sup>47</sup> и и страдалецъ нѣтъ. <sup>48</sup> съ раскольниками. <sup>49</sup> и и нѣтъ<sup>50</sup> отъ святыхъ. <sup>51</sup> ино что повѣль примати, но отмѣтнуги. <sup>52</sup> древле. <sup>53</sup> и. <sup>54</sup> установления.

утверженіе вѣрнымъ священніи мужіе уложивша постановиша богоугодиѣ и подписа тое священнострадальныи священникою<sup>55</sup> своею рукою: Павель епископъ юзникъ Коломенскій<sup>56</sup> смиренный архиерей подписуясь. (л. 113 об.) Такожде и прочіи, о них же рѣхомъ выше, архіерей оное соборное уставленіе<sup>57</sup>, принесенное имъ, подписаша своеручно и Соловецкій обители в книгохранительницу оное в сохраненіе блюсти послаша и всему тѣхъ собору запоручиша. И тако сіи священніи мужіе по совѣту и по благословенію всесвященнааго епископа Павла (л. 114) Коломенскаго, в та времена во оной области Новгородской во изгнаніи суща<sup>58</sup> сего бывша, и прочихъ выше помяновенныхъ архіереевъ благословеніемъ же и завѣщаніемъ приходящихъ убо от Великороссійскія церкви новокрещеныхъ повтораху истиннымъ крещеніемъ; сами жъ<sup>59</sup> иже в Господню смерть единую (л. 114 об.) святою соборною апостольскою церковю единымъ от православныхъ<sup>60</sup> точю даємъ. Тако же и новорукоположенныхъ<sup>61</sup> иереевъ никако же принимати, но и заповѣдающе всѣмъ по нихъ<sup>62</sup> настоѧти хотящимъ не пріимати таковыхъ. О чемъ свидѣтельствуютъ вси страдальцы Новгородскія области и Соловецкіи все соборніи (л. 115) отцы и Олонецкія страны вси пустынніи отцы, за что и кровь свою всеусерднѣйше, даже и донынъ о Господѣ проливают<sup>63</sup>. Аминь. Дѣяся сіе в лѣто 7164 мѣсяца генваря въ 7 день.

Отсюда заимствованы фактическія свѣдѣнія въ «Сказаніе о страданіи Павла епископа Коломенскаго за святоцерковное благочестіе, и о благочестивыхъ священникахъ, бывшихъ при немъ и потомъ продолжившихся до нынѣ иллр. Амросія», помышленное въ «Краткой исторіи древлеправославной Россійской церкви благочестиваго священства» (Яссы, 1878 г., стр. 4—17.—Показанія помышляемаго всльдъ за симъ сказанія о блистующихъ іеряяхъ ср. съ «Исторіей о блистующемъ священствѣ» Ивана Алексѣева (Братское Слово 1839 г., № 6, стр. 429—443).

<sup>55</sup> священникою иллр. <sup>56</sup> Коломенскій смиренный иллр. <sup>57</sup> установление. <sup>58</sup> существъ. <sup>59</sup> самимъ же. <sup>60</sup> правовѣрныхъ. <sup>61</sup> новорукополагаемыхъ. <sup>62</sup>нимъ хотящимъ пріимати стояти не пріимати. <sup>63</sup> Сие дѣйствіе бысть в лѣто.

## V.

По ркп. собрания А. И. Хлудова (XIX в., по дополнительному каталогу № 59) въ Московскомъ Никольскомъ единовѣрческомъ монастырѣ.

(Л. 1) Исторія о Павлѣ епископѣ Коломенскомъ и обѣгствующемъ священствѣ, кои не приклонишася къ Никоновыи новотворнымъ догматомъ, и како тіи отъ епископа Павла благословеніе пріяша.

Благословенъ Богъ, иже вся мудростю своею сотворивый, иже всѣмъ человѣкомъ хощетъ спастися (л. — об.) и въ разумъ истинный пріити; того ради даде намъ писаніе, да поне сими воспоминаемъ присно того хотѣнія. Понеже бо хотяху ереси прозябнути и обычай нашъ растлітися, благоволи написатися благовѣстіе сie, да отъ нихъ учими будемъ истинѣ не прельщатися отъ ложныхъ учителей и ереси и яже всеконечнѣ растлѣть (л. 2) обычай нашъ. Ибо отъ того временене егда церковь возмущати начинаше, предвѣдая вся сія Господь, яко таковое въ послѣднія дни будетъ смятеніе, того ради сохраняя насть отъ соблазнѣ и прелести еретической, благоволи написатися лѣту 1666-му, якобы намъ во оное отступленіе не пострадати, якоже спаситель вѣрѣ (л. — об.) назнаменова. Отъ христіянскаго православія принято отъ грекъ княземъ Владимиромъ и наважденіемъ вселукаваго пастыріе въ волки претвориша и принятаго княземъ Владимиромъ православія отступиша, новое же свое вымышленное ученіе и обряды предаша, и оное всѣмъ повсюду пріимати повелѣша; но мнози того (л. 3) пріати не восхотѣша, Никоновы же послушницы на нихъ воздвигоша велико гоненіе и жестоки скорби.

И таковыхъ ради винъ въ то самое время священоіерей Козма отъ церкви Всѣхъ Святыхъ, нарицаемыя на Кулишкахъ, Московской епархіи, и совѣщася священоіерей Козма съ своими нѣкоторыми духовными дѣтми, воззимѣвшіи ревность (л. — об.) съ пастыремъ своимъ по благочестіи, и ради сохраненія христіянскія вѣры отъидоша изъ Москвы въ Малоросію и поселившася въ Стародубскихъ слободахъ и живяху тамо нѣколико времія. Московской же епархіи людіе ревнующіи по благочестіи, услышавше о немъ, яко тамо живяху священоіерей Козма со благочестивыми народы, (л. 4) многія стекахуся людіе къ нему и собирахуся. Священо же іерей Козма сотвориша совѣтъ о приходящихъ къ нимъ.

Въ тоже время по смотреню Божію пріиде къ нимъ священноіерей Стѣфанъ изъ Бѣлова, сей знаемъ бѣ епископу Павлу. И во время открывшагося смущенія оть Никона іерей Стѣфанъ притече къ епископу Павлу съ болѣзнью сердечною и (л. — об.) съ сокрушеніемъ, вопроша о пришедшемъ таковомъ лютомъ оть Никона смущеніи.

Епископъ же Павелъ Коломенскій исполнился слезъ, съ плачемъ рече іерею: друже! Не смущатися подобаетъ намъ, но на Бога уповать, яко время то приде. И совѣтова ему вооружати и крѣпко стояти, не принимая новыхъ Никоновыхъ догматъ, аще (л. 5) случится даже и до крове, якоже евангелистъ глаголеть, паче же и умрети подобаетъ. Аще же можно, не пометати себе въ напасти, памятующе заповѣдь Господа нашего Іса Христа, еже рече апостоломъ своимъ, глаголя: *аще гонятъ вы во градъ семъ, бѣгайте въ другіе;* и св. апостоль Павелъ въ кошницѣ свѣщенъ по стѣнѣ и избѣжа изъ руки Иродовы; паче же и (л. — об.) самъ Господь нашъ Ісъ Христосъ, гонимъ быль оть Ирода, бѣжа во Египетъ во время убиенія младенецъ. Такъ и тебѣ подобаетъ удалитися оть гнѣва, грядущаго на вѣрныхъ рабы Христовы. Азъ же положити имамъ душу мою за овцы мои и за свидѣтельство Ісъ Христово.

Стѣфанъ же, слыша сіе оть епископа Павла, яко хощеть за благочестивыя овцы (л. 6) стада и за отеческія доктрины положити душу свою, исполнился слезъ и рече: владыко! Благослови, и азъ съ тобою готовъ свидѣтельствовать о истинѣ и душу положити за староотеческое благочестіе и за овцы Христова стада.

Павель же рече Стѣфану: чадо! Но шедъ крыся и прочихъ научи, да творять такожде, и настави ихъ на путь (л. — об.) спасеній. И тако имъ довольно бесѣдующемъ о церковномъ строеніи и о прочихъ таинствахъ святыхъ въ вѣрѣ, и како пріимати приходящихъ къ православію, епископъ же рече: самъ вѣдаши, Стѣфане, соборное правило и каноны, церковные узаконенія, святѣйшаго патріарха Филарета соборное изложеніе; тако и ты твори, якоже и азъ (л. 7) тебѣ повелѣхъ. Гряди и моли Бога о мнѣ грѣшнѣмъ и засвидѣтельствуй всѣмъ вѣрующимъ не отступати оть преданія святыхъ соборныхъ апостольскія церкви и свв. отецъ, и буди благословеніе Божіе и мое на тебѣ во вся роды даже и до вѣка. Якоже и Кирилъ Іерусалимскій глаголеть, листъ 303 (=л. 336): «(къ Коринеомъ послан. зач. 182): по числу дней въ седмицѣ, (л. — об.) сирѣчь въ недѣли, и святыхъ семь соборовъ вселенскихъ, иже православную вѣру утвердиша. Аще и множе седмичъ пѣціи высокомысленіи именуютъ вселенскими, но тіи яко суетныя въ число святыхъ не предпочитаеми (=причитаеми). За-

коленіе же жертвенное (именуеть) не агнцы и тельцы, но самое тѣло Христово, еже за прегрѣшениe наше изволи на (л. 8) крестъ пригвоздитися и копиемъ прободену быти. Яко же и апостолъ о семъ пророческое написаše (=писанie) привода глаголеть: *жертву и приношеніе не восходитъ, тѣло же совершилъ ми еси, сирѣчъ совершенno, не оскудѣваемо, нетленно, бессмертно. Не оставилши бо, рече, душю мою во адъ, ни даси же преподобному своему видѣти истиннія.* (Л.— об.) Черпаніе же вина и уготованіе трапезы, сирѣчъ стола, Тайною вечерою Христосъ (=Тайную вечерю Христову) именуеть, въ ней же божественною силою Свое (=божественное Свое) Тѣло въ хлѣбъ и животворящую пречистую Кровь Свою въ винѣ на пріятіе вѣрныхъ своимъ уготовалъ единою, и во вѣки не оскудѣваетъ, насыща и напаia вѣрныхъ. *Тѣло бо, рече, совершилъ (л. 9) еси, яко вспыхъ насыщая и никогда же убываетъ, но совершенно пребываетъ; яко же и глаголь онъ божественный, еже рече: расстится и множится и наполните землю.* Сие слово единою речено бѣ, бываетъ же дѣло по вся лѣта, усилия естество наше къ чадородію. Посланіе же рабовъ имѣнуетъ пророковъ и апостоловъ, созывая всѣхъ во истинную вѣру (л.— об.) и сообщенія со Христомъ причастіемъ Животворящаго Тѣла Христова;.... не яко общее брашно и питіе, его же всакъ каждо пріима вкушати обыкохомъ».

Того же Кирила Іерусалимскаго, листъ 78 (=99 об.): «но рекуть еретици: то уже іерейства и жертвъ въ церкви Христовѣ не есть потребы. Писано бо есть безъ всякаго прекословія: меншій отъ (л. 10) большаго благословляется. Въ первомъ законѣ бысть Ааронъ больший, отъ него же поряду вси іереи благословеніе пріимаху; но Мелхиседекъ иного роду, иже бысть іерей Бога вышняго по образу Христа, той бысть Аарона больши, понеже великий патріархъ Авраамъ даде ему десятину. Мелхиседекъ уставися по чину во іерействѣ (во вѣки пребывати, Ааронъ во своемъ іерействѣ) поставленъ (л. — об.) на время, и не возмогша іереи его во вѣки пребывать, смерть Ааронова ему (= имъ) прекратила. Того ради Христосъ не по Ааронову временнаго, но по Мелхиседекову вѣчнаго чина пріиде архіерей вѣчныхъ благъ. И яко же Самъ никогда же не умираеть, такоже и іерейство его по чину Мелхиседекову (не престаетъ);... престало бо тогда архіерейство Аароново временное, (л. 11) востало же Христово вѣчное..... (Л. 102 об.) О томъ же ихъ безуміи Соломонъ мудрый указуетъ, пиша, глаголеть: *Премудрость Божія, еже есть Сынъ Божій, созда себѣ храмъ, церковь, и утверди столъ седьмъ, вселенскихъ соборовъ, закла своя жертвенная и черпа въ чаши своей вино, пославъ*

своя рабы съ высокимъ проповѣданіемъ, призываючи на чашю, глаголющи: (л. — об.) ядъ (= иже) есть безуменъ, да уклонитя ко мнъ, и требующимъ ума рече: приидите и ядите мой хлѣбъ, и пийте мое вино, еже черплю вамъ. Оставите безуміе, и живи будете и во вѣки царствуете. Доздѣ Соломонъ, заступая церкви Христовы, пишеть безумнымъ, иже не разумѣютъ писанія добра го церковнаго чина и (л. 12) впадаютъ въ ереси. Но оставльше нынѣ сie, къ концу обратимся, како святый Кирилъ зловѣрныхъ до конца помрачаетъ».

Книга о вѣрѣ, глава 2 о святѣй церкви (=л. 19): «церкови ничто же равно и никогда же старѣть, выши небесъ взиде, ни варвари, ни бѣсы преодолѣютъ ей. Колицы ратоваша церковь, и ратовавшіи погибоща. Борима есть, (л. — об.) и не побѣждается. И чесо ради попусти брань? Яко да покажеть свѣтлѣйшу побѣду. Не удаляйся церкви, ничтоже бо церкви крѣпчайши. Упованіе твоє—церковь и спасеніе твоє — церковь. Небесъ выши есть, каменія твердѣйши, земли ширши и никогда же старѣть».—Вѣра, листъ 22: «церковь бо вкоренилася паче небеси и земли. Уне (= удобѣйши есть) солнцу (л. 13) престати отъ теченія своего, нежели церкви (= безчестій остати) престати»...

Не вѣси ли: не земли ради распахся, но церкви дѣля. Во евангеліи тако положи и завѣща: *тако* (рече апостоломъ своимъ), *творите въ мое воспоминаніе, дондеже прииду*.—Ты же, Стефане, шедъ и за свидѣтельствуй всѣмъ вѣрующимъ и послушствующимъ тебе, якоже азъ повелѣхъ тебѣ, отнынѣ и (л. — об.) во вся роды и до вѣка, аминь.

И тако по мнозѣй бесѣдѣ слезъ исполнившася и другъ другу цѣлованіе о Господѣ давше, священноіерей Стефанъ отъ епископа Павла Коломенскаго благословеніе пріять и разлучишася.

Егда же прииде въ Стародубскія слободы Стефанъ, пріять бысть священноіереомъ Козмою и всѣми тамо иноками и бѣльцами (л. 14) любезно и радостно, вѣдаще бо о немъ извѣстно, яко мужъ силенъ дѣломъ и словомъ наставити люди Господня на путь миренъ.

Времени же нѣколико мимошедшу благополучно, воздвижеся и тамо гоненіе. Видяще людіе толикую бурю стисненія, на нихъ востающу, обще вси совѣтъ сотвориша отъти въ Польшу. И тако поїдоша, кѫдо имъ же образомъ (л. — об.) можаше, и посѣлишася въ области пана Халѣцкаго при рѣцѣ Вѣткѣ, и собранія ради молитвословія Божія построиша молитвенный храмъ, и придѣлаша олтарь, и освятиша по правилу седмаго вселенскаго собора 17 правила и по благословенію епископа Павла Коломенскаго; и во оной литоргисаша 2 года безъ всякиго разногласія священники Козма и Степанъ.

Тогда же Стефанъ возжелаше (л. 15) на безмолвное житіе и, отъиде подалѣе поприще 15, построиша себѣ кѣлію и живаше въ ней нѣсколько времія.

Еще же прииде къ нимъ священоинокъ Іоасаѳъ имѣяше постановленіе на себѣ, уже во отступствѣ пріятое. Егда же прииде, Іоасаѳъ нача просити священоіеря Козму, да его приметъ. Священно же іерей Козма, видя (л. — об.) Іоасафа прилѣжное прошеніе, пріять его и радостно привѣтствова, и по согласію священоіеря Стефана и прочихъ съмыслящихъ священныя правила, и пріяша его подъ муропомазаніе и съ тою же хиротонією. По пріятіи же священоинока Іоасафа, нѣсколько времія минуша, іерей Козма отъиде свѣта сего. Іоасаѳъ же, видя тайну Христову (л. 16) до дѣтей вѣрѣ, возъимѣвши по Бозѣ ревность, построиша церковь и украси ю подобающею красотою чудно зѣло. Нѣсколько же времія мимошедшу, случися и сему священоиноку Іоасафу преселитися свѣта сего; церковь же новостроенная по кончинѣ его осталась не освященна.

По смотренію же Божію, рекій: *не хочу смерти* (л. — об.) *и рѣшенному, но живу быти*, прииде съ нимъ священоинокъ Феодосій, иже имѣяше на себѣ рукоположеніе Іосифа патріарха, и нача повѣдовати имъ подробну о произшествії въ Московской епархіи и въ прочихъ мѣстахъ, что происходит отъ Никона и его единомысленниковъ велико мученіе, и како Никонъ патріархъ епископа Павла Коломенскаго (л. 17) своими руками по ланитомъ биль и въ темницу посадилъ. И про себе подробну рече Феодосій, како съ епископомъ Павломъ въ темницѣ былъ, Богу тако изволившу (якоже пророкъ Давидъ глаголеть: *дастъ ти Господъ по сердцу твоему и весь союзъ твой исполнитъ*) чрезъ темничнаго стражи, и посему тайно даде видитися съ епископомъ Павломъ. (Л. — об.) Егда же вниде Феодосій въ темницу, видѣвъ его окована веригами желѣзными, и паде на нозѣ его, не могій проглаголати отъ многаго захліпанія слезнаго, и цѣлова веризѣ его, и испроси благословеніе отъ епископа Павла.

Онъ же благословій въ рече и востати ми повелѣ, и позна мя зѣло, и возрадовася, и нача бесѣдовати съ нимъ. Той же (л. 18) предивій и плачу достойнѣй бесѣдѣ и самъ стражъ темничный сладѣ слушаше и дивися бесѣдѣ ихъ; бяше бо епископъ Павель велий ревнитель по благочестію, и правыхъ догматъ защититель крѣпкій: всею силою вооруживши за благочестіе, ста противу Никона патріарха и всѣхъ единомысленниковъ его, не (л. — об.) пріимая отъ него новыхъ догматъ въ церковь внесенныхыхъ. Егда же приведоша его на соборъ, начаша увѣщавати многими ласкательствы, яко да пріиметъ новоизло-

женный ихъ догматъ. Онъ же не приклоньшился никако же, зѣло обличая ихъ, паче же на число 1666 показуя, въ которое подобаетъ за отеческая преданія крѣпко стояти, (л. 19) а не церковь раздирати, и книгами мѣннати, и неслыханныя обряды издавати, а непріемлющихъ того въ темницу сажати и клятвамъ предавати. Не явно ли на вась исполнися реченное число отступленію, въ которое подобаетъ оберегатися? Аще ангель благовѣстить паче преданнаго, и той анаема.— По многой же бесѣдѣ, от (л. — об.) обоихъ странъ крѣпкомъ прѣніи, преосвященный Павелъ одолѣ противныхъ, вси бо глаголы ихъ яко волны о камень приражахуся. И егда его не могоща къ своей воли и единомыслію преклонити, тогда Никонъ патріархъ рыкну, яко левъ золь, и нача бити немилостивно по ланитомъ преосвященнаго; и дотолѣ его біаше, дондеже самъ (л. 20) изнеможе. А преосвященный Павелъ паде на землю, аки мертвъ, и мало въ себѣ пришедъ, воста, бившему благодареніе возваде, и стояше молча.

А предстоящи Никоновы послушницы рекоша ему: Павле! Что не глаголеши?—Павелъ же рече: Господь нашъ Ісъ Христосъ даде сей образъ: егда судимъ бѣ отъ іюдей, гнѣвающимся и ярящимся (л. — об.) ничтоже глаголаше. Аще бо азъ глаголю, не внимаете, понеже законное испытаніе и опасное вещей разсмотреніе погибе; а посему всякъ разумѣваяй да умолкнетъ, время то приближися, яко вижю не обратное ваше паденіе.—Они же глаголаху: Павле! Еда ты насъ равняеши со іюдеями отступившими святоотеческаго преданія? (Л. 21) Павелъ же рече: вы сами глаголете тако.—Они же сурово рекоша: лжеши ты, Павле.—Павелъ же отвѣща: аще азъ лгу, то свидѣтельствуйте во Святомъ писаніи. Аще же правду глаголахъ, почто бiete ма?—Тогда тіи много поносивше ему укориша и за крѣпкою стражею держати повелѣша, творяще ему всякия пакости къ (л. — об.) стѣсненію и прискорбію, надѣясь чрезъ то склонити его къ новому новотворчеству; но твердаго адаманта ничтоже возможе поколѣбати, но паче крѣпче бысть.

И по вѣколицѣхъ днехъ паки предъ духовныя власти приведенъ бысть, иже вопрошау: Павле! Чесо ради не сообщаеши намъ? Павелъ же рече: понеже вы оставиша (л. 22) благочестивыхъ отецъ отъ грекъ княземъ Владимиромъ принятое ученіе, чины и обряды и прочыя церковныя церемоніи, отъ которыхъ же вы воспріяли хиротонію и чинъ святительства и которымъ поклонялись святымъ иконамъ, писаннымъ греческимъ писмомъ съ воображеніемъ двѣма перстома, но вы за ихъ благодѣяніе, что вась въ святость приведоша и (л. — об.) Христою чинъ преполовавше, показаша злодѣяніе и, ако диви звѣrie

устремишася, начаша предавать, дѣти суще отецъ своихъ проклинать. Овцы же, видя неистовство ваше, яко вы претворишаася въ волки, и начаша другій гласть испущати, котораго они никогда же слышали,—того ради въ ваше подписаніе не пошедшe. Вы же (л. 23) на нихъ яко звѣrie устремишася, начаша усильствомъ къ своему новому узаконенію принуждать, а непріемлюющихъ и непокаряющихъ гладною смертю морить. Кія ради вины вы таковое стараніе прикладываете? Души ли ради своей или новотворной своей церкви что приобрѣсти восхотѣли? На семъ фундаментѣ соградить, (л. — об.) дабы твердо и крѣпко стояла новотворная, паче же и ереси подобная церковь, дабы и впредь такожде творити мучительскою рукою къ себѣ привлекать. Христосъ ли тако творити повелѣль или его святіи апостолы? Но Христосъ Спаситель нашъ Самъ соизволилъ отъ беззаконныхъ жидовъ мученіе претерпѣти и Пречистую Кровь Свою (л. 24) за погибшихъ изліяти; также и божественніи апостоли сами мученіе воспріяша, и кровь свою изліяша, намъ оставиша образъ, да послѣдуемъ стопамъ ихъ, и тѣмъ церковь Христову твердо и крѣпко утвердиша, ея же врата адова не одолѣютъ. И за сю церковь азъ готовъ кровь свою проліяти. Того ради съ вами не общаюся.

Тогда (л. — об.) Никонъ патріархъ видѣ Павлово дерзновеніе, а себе отъ него во всемъ обличаема и посрамлена, премени яростъ въ кротость и рече: молихомъ Павла, да будетъ единомысленъ съ нами и обрѣтохомъ его не повинующаяся нашему смиренію и не покаряющася святой церкви; сего ради давною намъ отъ Христа благодатию и властію чина лишаю и всякаго (л. 25) священнодѣйствія обнажаю. И повелѣ: да не будетъ ничтоже священнодѣйствия.—Павель же рече: клятва бывающая не по священнымъ правиломъ—недѣйственна есть, чо обращается на главу рекшаго ю; ибо неложно учитель нашъ Христосъ рече: *въ ниюже мѣту мѣтрите, возмѣрится и вамъ.* И пророче ему, глаголя: тебѣ за мною вскорѣ (л. — об.) постигнутъ; им же мя судомъ судиши, самъ осужденъ будеши и обратится болѣзнь твоя на главу твою.

Гогда Никонъ исполниси яости, повелѣ блаженнаго обложити яковы желѣзными и отвести въ темницу за крѣпкою стражею и стреци строжайши, никому не дая къ нему входити и пищи не (л. 26) подавати кромѣ приставленного стража. И приставила человѣка не милостиша суща, паче же и злонравнаго и безчеловѣчнаго; повелѣша же ему, чтобы творилъ великия скорби епископу Павлу и досады. И тако въ темницѣ держимъ бяше въ великому озлобленіи до самаго изверженія Никонова; вскорѣ бо блаженнаго (л. — об.) прореченіе на Никонъ исполниси, ибо изъ сана его извергша, а творящаго озлобленіе стража темничнаго постиже казнь Божія, ибо злѣ изверже душю свою.

По скончанії же стража темничнаго вышереченный священноинокъ Феодосій улучи время удобно видитися съ преосвященнымъ Павломъ епископомъ. Егда же, рече, (л. 27) внидохъ къ нему въ темницу, видѣхъ его всего окованнаго и падохъ на нозъ его, поклонихся до земли и лобызахъ веризѣ его, плакахся зѣло. И егда позна ма блаженный, вельми возрадовася, и востати ми повелѣ, и благослови, и нача ма вопрошати: что, Феодосіе, дѣется отъ Никона патріарха, и како пребываютъ людіе (л. — об.) ревнующіи по благочестії: собираются ли гдѣ на славословіе Божіе или ни?

Азъ же отвѣщахъ ему: Никонъ уже со престола сверженъ и сана лишенъ; а людіе ревнующіи по благочестії кожно себѣ въ дому поеть и молится, а прочіи же христіяне оставиша дому, жены и дѣти многое множество народа течеть въ Польскія предѣлы (л. 28) сохраненія ради христіянскія вѣры; къ нимъ же и азъ отхожу, надѣюся твоими святыми молитвами достигнуть. И о семъ много молихъ Владыку не-престанно и сего желахъ, еже съ тобою видитися, и отъ тебе благословитися и наставитися на путь спасеній, по нему же можно бо было безпреткновенно шествовать не токмо миѣ, но (л. — об.) и всѣмъ ревнующимъ по благочестії. И благодарю Господа моего, яко сподобилъ мя есть тебе видѣти, понеже бо нѣсть нигдѣ слышно епископа православнаго, якоже твоя святыня, отче. Обаче же чрезъ лишенія пастырей не могъ бы произойти каковой любо раздоръ отъ Никоновыхъ послушниковъ крещенныхъ въ три погруженія и, буди они прибѣгати (л. 29) будуть къ соединенію нашему, что достоитъ творити и како ихъ пріимати, по коимъ правиломъ и чину?

Епископъ же отвѣща ему: по соборному изложенію святѣйшаго патріарха Филарета, еже о бѣлорусѣхъ. Егда же придетъ кто, вопросити его: како вѣруетъ и что вѣра его, и како крещенъ? И аще въ З погруженія, таковаго (л. — об.) пріимати яко крещена, токмо прокленше свою ересь и прочихъ еретикъ, и потомъ изложити вѣру: *впрую во единаго Бога* и прочее, и потомъ помазати миромъ; безъ помазанія бо мира никто же можетъ винти въ царство небесное, не помазуеми бо и непечатлѣнніи святымъ миромъ (еже есть печать Святаго Духа) не вѣдоми суть Христу, ниже (л. 30) ангеломъ знаеми.

Феодосій же рече: отче священнѣйшій! Гдѣ таковое изложение писано?

Павель же рече краткимъ гласомъ: Большій Катихисисъ, листъ 308 (357): «есть же особнѣ дѣйство другое, самѣхъ точію трیехъ святыхъ таинъ, сирѣчъ крещеніе, помазаніе святаго мира и священство, яко намъ начертаніе содѣваютъ и печатаютъ, еже во вѣки

не истребляется, (л.—об.) ниже измѣняется».—Той же Катихис., листъ 328 (377) о муропомазаціи: «видовореніе сея тайны есть, силь онъхъ глаголь, егда бываетъ въ чину крещенія по велицкѣй ектеніи и обычныхъ молитвахъ, яже отъ іерея, бываетъ святое помазаніе мура крещающемуся сице: еже творить крестообразно на челѣ, на очиу, на ноздрю, и на грудѣ, на (л. 31) устахъ и на обѣ уши, на рукахъ и на сердцѣ, и на плечію, и между рамома, глаголя на коемждо помазаній. Егда помазуетъ на челѣ, тогда сице глаголеть: печать дара Духа Святаго, аминь, да избудеть студа, егоже первѣе преступивъ человѣкъ всюду ношаще. А егда помазуетъ на лицѣ, тогда глаголеть сице: печать дара Духа Святаго, аминь, да откровенимыъ (л.—об.) лицемъ славу Господню зритъ. Такожде и вся уды знаменуя глаголеть. И сими глаголы содѣвается и совершаются сія тайна»...—И потомъ Павель: глаголеть писаніе (апостолъ толк., къ Коринеомъ, зачало 108): вертоградъ заключень и источникъ запечатлѣнъ, и сего ради нигдѣ истинѣ совершился, токмо во единѣствѣ церкви, ея же между союзници еретическими нѣсть, и (л. 32) тайны въ нихъ ни единоя нѣсть развѣ крещенія отъ нихъ таковыи аще тамо пребудеть, ничтоже имъ полезно, но прибѣгати имъ къ соединенію святыя соборныи и апостольскія церкви, таковыхъ крестити не требуетъ.—Аще кто скажетъ обливаніе, то такового совершенно крестити въ три погруженія и муромъ и масломъ помазывать.

Азъ же (л.—об.) паки вопросихъ: отче священнѣйшій! Филаретъ святѣйшій отъ всѣхъ различныхъ еретическихъ вѣръ повелѣль совершино крестити, понеже еретическое крещеніе нѣсть крещеніе, по паче оскверненіе, то како о семъ могу разумѣти и что могу пославшимъ мя глаголати?

Отвѣща епископъ: слыши, друже Феодосіе. Еретическое крещеніе, сирѣчь (л. 33) не въ три погруженія, но обливательно, не по Господню завѣщанію, но различно и своеумышленно, таковыхъ совершенно крестити. А крещеныхъ въ три погруженія: во имя Отца, и Сына, и Святаго Духа, по Господню завѣщанію, чинъ святыя соборныи апостольскія церкви, иди ты такожде творити повели.—И тако буди на васъ благословеніе Божіе и мое отнынѣ и до вѣка. (Л.—об.) Аще же кто сего моего благословенія не пріиметъ, то и благословеніе Божіе отъ него удалится. Ты же, Феодосіе, не скорби о семъ, время бо то приближися, аще ли удалятъся, понеже не послушаютъ здраваго ученія; время бо то пріиде, всякою свою вѣру возвысить.—Кромѣ же церкве спастися невозможно суть, якоже пишеть (Катихис. Бол., листъ 121, о церкви Божії): «Вопросъ: какая намъ потреба (л. 34)

сего поученія о соборнѣй церкви? Отвѣтъ: сея ради вины, яко да извѣстно вѣдуще ю, въ ней пребываемъ и спасеніи будемъ, зане кромѣ церкви Божія нигдѣже нѣсть спасенія, якоже бо при потопѣ вси, елици съ Ноемъ въ ковчегѣ не баху, истопоща, тако и въ день судный вси, иже нынѣ въ церкви святѣй не будуть, тіи во езеро (л. — об.) огненное ввержени будуть. Церковь же свою Самъ Христосъ спасаетъ, якоже святый апостоль Павель возвѣщаетъ, глаголя: *Христосъ есть глава церкви и онъ Спаситель тѣла своего.* Се убо иже не пребываетъ въ сей соборнѣй церкви, тѣхъ Христосъ не спасаетъ, Святаго Духа сицевіи не имутъ». Ниже: иже «сами отдѣляться отъ единости вѣры, и суть (л. 35) тѣлесни, духа не имуще. Богъ же Самъ пребываетъ въ церкви своей и спасаетъ ю, якоже Той Моисеомъ глаголетъ: *поставлю завѣтъ Мой въ васъ и не похулимъ душа Моя васъ, и похожду въ васъ, и буду вамъ Богъ, и вы будете Ми людіе....* Знай прочее добрѣ церковь Божію и пребывай въ ней, терпящи до конца вся нападанія; соборища же бѣсовскаго (л. — об.) блюдися, зане и собраніе нечестивыхъ обычѣ такожде нарицатися церковію Божією. Но ты вѣждь и бѣгай отъ бѣсовскаго Вавилона, сирѣчь отъ сонмища злыхъ и нечестивыхъ людей, и пріиметь тя Господь Богъ» (лл. 121 об.—122 об.).—Ты же, отче Феодосіе, о нихъ не скорби, время бо то приближися, тому подобаетъ быти. Ты же шедъ тако научи творити.

(Л. 36) Азъ же паки вопросихъ: отче священнѣйшій! Аще будуть приходити отъ Никоніянъ сущихъ, и будѣ отъ священнаго сана, крещены же въ три погруженія, то по пріятіи и муропомазаніи можно ли онымъ съ тою же хуротонію и властію быть и священподѣйствовать, и по коимъ правиламъ, дабы сіе пріятіе было основано въ согласность разуму вселенскія (л. — об.) церкви, чтобы ни единъ противорѣчить не могъ, видя ясность отъ священныхъ правилъ святыхъ отецъ, и по нась бы будущіи родовѣ крѣпко того держалися.

Отвѣща епископъ Павель и рече: можно ти, Феодосіе, таковыхъ пріимати подъ муропомазаніе, и съ тою же хуротонію и властік онымъ пребывать и священодѣйствовать (л. 37) по правилу 50-му 1-го вселенскаго собора; а въ толкованіи на оное ясно вселенскія церкви глаголеть, яко по муропомазаніи, аще священника или діакона, аще ли же и епископа, во своемъ чину да пребываютъ, а не снова рукополагаются.

Азъ же паки вопросихъ: отче священнѣйшій! Сие дѣло свойственно точию епископу. Азъ же таковое творити како возьмѣю, (л. — об.) по коему правилу или отъ святыхъ отецъ соборному изложенію, чтобъ хуротонію пріимать какъ отъ священнаго чина, равно и отъ просто-

людинъ, ибо по правилѣхъ святыхъ отецъ, аки зданіе на камени твердомъ основанное непоколѣблѣмо пребываетъ.

Епископъ же Павель отвѣща: чадо Іеодосie! Святый апостоль рече: *братie! Помнить наставники ваши и покаряйтесь, (л. 38) иже малолаша вамъ слово, на ихъ же взирающе житie, подражайте вѣрѣ ихъ.* Рекохъ ти прежде сего 50-е правило вселенскаго собора о приходящихъ отъ Наватіанской ереси къ святой соборный и апостольский церкви: аще епископи приидуть, а въ томъ градѣ лиъ епископъ не обрящется, то онаго, по небытности православнаго епископа, (л. — об.) отринуты не повелѣваетъ, но по проклятии ереси муромъ помазати узаконоположено, а въ томъ же чину пребываетъ, яко истиннаго епископа на престолѣ въ небытность въ томъ градѣ православнаго епископа пребывать. Въ согласность же сотвориша преподобнii и богоноснii отцы Савва и Іеодосiй, отъ ереси Севировой Іоанна патрiарха іерусалимскаго, (л. 39) отъ еретика хиротонисаннаго, въ правовѣрie пріяша и оному с тою же хиротоніею, паче же и властiю, а не рекоша, яко сie дѣло точiю епископскoe. Но даже и отъ преподобныхъ, тогда съ Саввою пришедшихъ, ни единъ сего пріяти не зазрѣ, яко сего Іоанна еретика суща, паче же и мучителя бывша, пріяша с тою же титлою патрiаршею, (л. — об.) понеже онъ Іоанна Постника, не общающася ереси Севировой, мучи изгнанiemъ и ранами; но по обращенiи его вси почитаху, яко истиннаго патрiарха, а не рекоша, яко безъ епископия повелѣнiя пріяша, но съ радостiю и честiю почитаху, яко истиннаго патрiарха. — Видиши ли, Іеодосie, яко безъ епископия повелѣнiя преподобнii отцы (л. 40) онаго патрiарха еретика суща пріяша, и въ томъ же чину священнодѣйствовати повелѣша; таковое же ихъ пріятie и донынѣ почитается, иже писано въ житiи преподобнаго Савы мѣсяца декабря 5. И тебѣ же азъ, чадо Іеодосie, тако повелѣваю творити, паче же и благословляю. Да и въ правилѣхъ святыхъ отецъ заповѣдано прiимати отъ ереси приходящихъ (л. — об.) ко святой церкви; единаково пишеть 45 и 46-е правило Лаодикiйскаго собора, повелѣно равно яко архиерею, такожде и iерею.

Азъ же паки вопросихъ епископа: единимъ ли чиномъ подобаетъ прiимати приходящихъ къ православiю подъ муропомазанiе, какъ отъ священнаго чину, такъ и отъ простолюдинъ, или какое различiе въ правилѣхъ (л. 41) оныхъ имѣть?

Епископъ же отвѣща: безъ всякого различiя между оними, всѣхъ равно да прiемлетъ подъ муропомазанiе, а потомъ кто въ какомъ чину есть, въ томъ и пребываетъ по правилу 50-му первого вселенскаго собора.

Азъ же паки вопросихъ его, глаголя: отче священнѣйшій! Аще будетъ угодно Богу и продлить Господь вѣкъ, и оставшееся святое муро (л. — об.) начнетъ умалатися, то что тогда сотворити подобаетъ?

Отвѣща епископъ Павель и рече: яко же святая церковь впредь законоположенія утверди и положи, тако и ты твори и будущемъ творити повѣли. И азъ благословляю и повелѣваю: аще скудно будетъ муро божественнаго въ крещеніи, или въ церковноосвященіи, или въ каковой (л. 42) любо потребѣ, малому муро примѣшати елей прощено есть, яко да сице удовлетворить и умножить исполнити освященіе требующимъ его. Аще скудно будетъ святаго мира на освященіе церкви или коєя потребы; то смѣшавши съ масломъ за скудость узаконеннаго елея примѣшати, яко да умножить и удовлетворить нужды. И сице (л. — об.) тебѣ и будущимъ по васъ родомъ тако повѣли творити къ требованію онаго, ибо отъ сего времени церковь Христова гонима имать быти и пребывать во уничиженіи и бѣгствѣ и въ великомъ озлобленіи.

Азъ же паки вопросихъ епископа: отче священнѣйшій! Нынѣ убо нѣсть осталось ни единаго благочестиваго епископа, яко же твоя, (л. 43) отче, святыня. И будь пресылить тя Господь отъ здѣшнихъ времененныхъ на вѣчна блага, то мощно ли мнѣ и будущимъ по мнѣ въ небытіи епископа православнаго построити церковь и освятити?

Отвѣща епископъ, глаголи: аще будетъ тишина и дозвolenіе, и зѣло мощно, аще не возбранитъ власть еретическая, мощно построить и освятить (л. — об.) по 17-му правилу седьмаго вселенскаго собора и по повелѣнію, иже во святыхъ отца нашего Іоанна Златоустаго, повелѣвающаго стяжаніе имущимъ во своихъ селѣхъ созидати церкви. Писано сіе доказаніе ясно во правоученіи осмомъ. Засимъ же и азъ ти благословляю и повелѣваю: буди на тебѣ и на будущихъ по тебѣ братіяхъ (л. 44) благословеніе Божіе и мое отнынѣ и до вѣка и во вся роды, аминь.—И никто же о семъ да усомнится, яко азъ будущихъ сужу и нерожденными повелѣваю: время бо то настоитъ; да никто же о семъ крамолу и противу речеть, и маловѣремъ да не поболить, ио вѣрующему вся возможна суть. Аще ли удалятсѧ иѣцы, ты же, (л. — об.) чадо Феодосіе, не скорби о семъ.

Вѣра, листъ 218 (216) о юнитахъ. «Вѣда вся сія Господь ико таковое будетъ въ послѣднія дни смиреніе повелѣваетъ, яко иже суть христіяне хотящіи въ правду во христіанствѣ утвердитися, ни къ чесому же да бѣжать иному, точио къ писанію, аще бо на ино что взирати будуть, соблазнятся и погибнуть, не разумѣюще какъ бы была истинная Христова церковь.... Ими же образъ нынѣшихъ временъ

правое житіе изобразихъ, явѣ о томъ вѣдати, яко въ нихъ избранніи Божіи по благодати Его святѣй большаго утѣшениа и подтвержденіе, паче сего еже отъ святаго писанія и прилѣжнаго испытанія велия польза, яко да познасть и вѣдастъ (л. — об.) добрѣ, яко всякому чловѣку подобно есть знать истинную, а не смышленную церковь, но единаго жениха небеснаго чистую и нескверную невѣstu. Ибо кто не познаетъ ю, како въ ней и при ней въ таковѣмъ величѣ обуреваніи пребудеть? Аще кто въ ней не обрящется, той вѣчнаго онаго и блаженнаго живота наслѣдти не можетъ.... (л. 46) и повреждающую тицету подъеметъ.... чтобы ты, православный читателю, осторегая вѣ свои о временномъ покой и попечениіи, имѣй днемъ и нощю въ православной соборной вѣрѣ животъ свой скончать могъ,... и оную Духомъ Святымъ въ церкви устроенную пѣснъ воспоминая себѣ: *ненавидящіи Сиона посрамятся отъ Господа, яко трава иссохшая огню* (л. — об.) вѣчному предани будуть». — Катихис. Больш., листъ 335 (384): «о семъ сватый Іоаннъ Златоустый въ 3-мъ томѣ, сирѣчь книгѣ, о предательствѣ Іудиномъ сице глаголеть: яко же оно слово, еже рече Господь Богъ: *раститесь и множитесь и наполните землю*, единою речено бысть и во вся времена совершилено есть виегда къ рожденію естество прелагается; (л. 47) сице и сіе слово Господне единою речено бысть, еже на всѣхъ престолѣхъ олтаревыхъ, даже до сего дне и до пришествія его, подаетъ силу жертвѣ. Зриши ли, ергиче?» — Книга Вѣра, листъ 20: «церковь бо паче небеси въкоренилася есть и удобнѣе есть солнцу отъ теченія своего престати, нежели церковь обесчестити и остатися». Ниже, листъ 21: (л. — об.) «яко святая восточная церковь истинная невѣста Христова на основаніи главы своей во изгнаніи основана и чрезъ апостольскую кровь въ стѣнѣ произведеся, и въ томъ основаніи даже и въ страданіи скончатися не имать». Ибо въ прежнія гонительныя времена православныи священники и святіи отцы безъ епископія благословенія, токмо не презя епископа (л. 48) за неимѣніемъ той страны церкви воздвизали и святили, якоже повѣствуется въ житіяхъ ихъ, или послы посылаютъ, онъ же пишетъ на хартии благословеніе.

Азъ же ти вѣмѣсто хартии свидѣтель неложенъ буду. Азъ же вась на се благословляю. Еще же съ моимъ благословеніемъ да будетъ вамъ къ тому повелѣніемъ 7-го вселенскаго собора правило 17-е, (л. — об) ибо оное зѣло паче архиерейскаго благословенія. Ибо никому же отъ епископа не подобаетъ особно себѣ монастыря здати на раззореніе і истощеніе епископіи своей; аще ли дерзнетъ тако сотворити, запрещеніе да приметъ, а созданный монастырь яко простое людское жилище подъ епископію да преданъ будетъ.

Виждъ, яко и самъ епископъ въ строеніи церкви или (л. 49) монастыря никакой воли не имать. А что речено: безъ повелѣнія епископа никому же не подобаетъ ни церкви, ни монастыря строити,—не того ради, чтобы безъ повелѣнія епископа не могла быть церковь, ибо многія святія во время гоненія въ домахъ и въ темницахъ, въ поляхъ и пещерахъ и въ баняхъ литургисаху. А посему оное смотреніе епископомъ, (л. — об.) дабы строеній оныхъ не производили свое-вольно для прибытка съ вымысломъ, или по какому протчему случаю, или якобы откровеніемъ нѣкоторымъ начата будеть строитися, а потомъ послѣдуетъ недостатокъ къ совершенію оной, и та не достроена и не докончена будетъ. Того ради таковое смотреніе опасно епископомъ имѣть, якоже въ толкованіи (л. 50) правила 84-го Каѳеагенскаго собора и заповѣдь благочестиваго царя Іустиніана 27 явственno показуетъ, чтобы зданіе церквей безъ воли и благословенія епископли не ставили, не того ради, чтобы существо отъ его воли зависимо было, но чтобы не могли происходить вышереченныя беззаконныя вымыслы и недостатки, ибо и самому (л. — об.) епископу ради себя строеніе оныхъ запрещается вышереченнымъ 17-мъ правиломъ 7-го вселенскаго собора.

Азъ же паки вопросихъ: отче священнѣйшій! Твоя святыня благословила насъ церковь и монастырь построити и освятить ту ново-воздигнутую церковь. А святый антимисъ гдѣ возмемъ, ибо безъ онаго невозможно быть церкви, (л. 51) а сіе принадлежитъ до епископа а православнаго епископа, кромъ тебе, владыко, и не слышно? Въ таковомъ случаѣ что сотворить имамъ: гдѣ святый антимисъ возмемъ? Да и будущіи родове гдѣ оной брати будуть? Но я, отче священнѣйшій, о семъ въ великомъ недоуменіи, паче же и смущеніи.

Епископъ же рече ми: не сомнѣвайся о семъ, Феодосіе, ибо много святыхъ антимисовъ (л. — об.) имѣется отъ священныхъ церквей великихъ епархій, заготовлено болѣе 15; оныя должны оставаться безъ всякаго дѣйствія, новолюбителямъ непотребны, да и въ прочихъ многихъ мѣстѣхъ много оставшихъ. Но обаче можеши оныхъ докупить у Никоновыхъ послушницѣхъ златомъ чрезъ благолюбцевъ. Но и еще можеши изъ обѣтшавшихъ (л. 52) церквей взимати.

Азъ же ему рекохъ на сіе: отче священнѣйшій! Но тако творити во Уставѣ запрещается.

Онъ же рече: Феодосіе! Крамолиши, яко не смысла священныхъ правиль, ни вѣдая святаго писанія, ниже силы его. Не слышаль ли святаго Кирила іерусалимскаго въ своей книзѣ глаголюща: якоже Христосъ не умираеть, тако и священство его (л.—об.) во вѣки пре-

будеть. А наче же сосудъ избранный Павель рече: помните наставники ваши. Еще Спась глаголаше: слушай Мя, слушаетъ пославшаго Мя; отмечайся въасъ, Мене отмечается. Върху ѿщему вся возможна суть. Обаче же нужда бывающая закону касается. Аще бо безъ нужды дерзнути запрещается, нужда бо закономъ не судится. Егда же (л. 53) бываетъ христіяномъ насилие и гоненіе отъ еретикъ или отъ невѣрныхъ, таковая нашедшая нужда творити закономъ церковнымъ разрѣшается.—Воззри же на прежнія роды и святыхъ отецъ и узриши, како тогда святіи страха ради гоненія и мученія службы въ различныхъ мѣстахъ литургію совершау. Священнопрезвитеръ Лукіанъ въ темницѣ и (л. — об.) во оковахъ соверши святую литургію, и вси христіяне въ темницѣ пресвятыхъ Таинъ причащауся. А ни единъ сего не рече по коему правилу или благословенію дерзну тако творити, но и не помысли, како безъ антимису возможеть литургію совершити и прямо сумнѣвающимся рече, яко живый престолъ живому Богу будетъ, а обаче же въ житіяхъ святыхъ (л. 54) обрящеши. Того ради подобаетъ вамъ вся имѣти въ памяти и словеса оныя держати: *взырающе на скончание жительства ихъ, подражайте вѣрѣ*, и тако спастися можете.—Прочее гряди, аможе желаеши, и Богъ да поспѣшить и направить путь твой своими неизреченными судьбами, еже сохранити и соблюсти благочестіе цѣло и непорочно (л. — об.) и церковь свою тверду и непоколѣбиму отъ вратъ адовыхъ неодолѣну во вся вѣки.—Ты же, Феодосіе, еже отъ мене слышаль, тако и твори и прочимъ такоже творити повели будущимъ родомъ, а не раздирати Христову церковь. Ты же, Феодосіе, еже отъ мене слышаль, сія вся писанію предаждь и по себѣ церкви, дабы память моя незабвена (л. 55) была во всѣхъ родѣхъ. И буди на въась благословеніе Божіе и мое отынѣ и до вѣка, и на будущихъ родѣхъ, которіи слѣдователь будуть моему повелѣнію.—Аще же православнаго епископа лицемъ и не будетъ, но обаче въ томъ не сомнѣватися, но подъ главою Христа Спасителя возможеть неблазнено пребыти и при священникахъ спастися можете, (л. — об.) якоже въ бытіи соблазновъ иконоборчихъ Цареградскія области, идѣже патріархъ Павель, уклонившися тайно отъ состоянія иконоборчаго въ монастырѣхъ святаго Флора, егоже память авгуستа 3 дня, а февраля 25, и по подобію преподобнаго отца Антонія Римлянина авгуستа 3-го дня, како сіи святіи творили, такожде и въ правилѣхъ святыхъ отецъ повелѣваетъ. (Л. 56) Аще ли нѣцы отступать отъ иѣкоего епископа не грѣховнаго ради извѣта, но за ересь, таковіи чести и пріятію достойни суть, яко въ правовѣріи подобнѣ и Матеей Правильникъ въ составѣ 200 пишетъ.—Ты же, Фео-

досіє, сія сохрани и не стужай, обаче же не пометай себе въ настаси по Христову словеси: *аще юнятъ вы во градъ семъ, бѣгайте отъ другій.* Церковь же Христа (л. — об.) Спасителя не имать одолѣна быти, якоже Кирилъ Іерусалимскій въ 11 знаменіи глаголеть: не имуть скончatisя грады Інзраїлевы до пришествія Христова, иміже вѣсть судбами сохранитъ и спасеть церковь свою отъ вратъ адовыхъ.

Феодосій же, слыша сіе, исполнился слезъ и поклонися до земли, прося послѣднаго благословенія, глаголя: благослови, владыко святый, (л. 57) послѣднимъ своимъ благословеніемъ.

Онъ же воздвигже его отъ земли и благослови рече: буди благословеніе Господне на васъ и на чадѣхъ вашихъ и на будущихъ родѣхъ всегда и нынѣ и во все вѣки.

И тако другъ другу цѣлованіе о Господѣ давше, и отъ преосвященнаго епископа Павла благословися Феодосій и наставися, яко драгоценное и неоцѣненное сокровище (л. — об.) и слезно разлучися изыде отъ него. И Богу помогающу пріиде и возвѣсти про вся бывшая съ Павломъ епископомъ, и иріять бысть отъ всѣхъ любезно и честно, яко истинный настырь и учитель, и предложиша ему учненная о пріемѣ приходящихъ къ православію. Онъ же прочеть похваливъ и согласное повелѣніе и благословеніе епископа Павла (л. 58) утвердивъ, и тако крѣпко того преданіе держати, мужественно и крѣпко во благочестіи стояти. И вси сладцъ того пріиша и послушающе, вѣдуще, яко наставлѣніе и благословеніе отъ епископа Павла. И стекахуся отъ мирскаго и священнаго чина. И тако отъ самаго того времени, то есть отъ лѣтъ Павла епископа Коломенскаго, и до днесъ (л. — об.) другъ друга пріемиѣ вси священномъноцы і священники имѣютъ его же благословеніе, и имѣти будуть другъ по друзъ безъ зазору во всѣхъ родѣхъ. Аминь.

З р и. Книга Кирила Іерусалимскаго листъ 76 и 305.

Вѣра глава 2, о святѣй церкви, листъ 19 и 20 и 216.

Катихис. Велик. листъ 308 и 335.

## VII.

Въ «Раскольничихъ дѣлахъ XVIII столѣтія», извлеченныхъ Г. В. Есиповымъ и изданныхъ Д. Е. Кожанчиковымъ, напечатана (т. II, стр. 177—189 Приложений) «исторія о бѣгствующемъ священствѣ», составленная Іоною Курносымъ (см. Исторические очерки поповщины П. И. Мельникова, ч. I, М. 1864 г., стр. 26—28 и Изъ исторіи раскола на Вѣткѣ и въ Стародубѣ XVII—XVIII вв., М. И. Лилеева, в. I, Киевъ, 1895 г., стр. 190—191), раскольническимъ писателемъ поповщинскаго толка, жившимъ во второй половинѣ XVIII в., въ Комаровскомъ скиту; съдовательно, замѣчаніе собирателя, что сказание печатается имъ по рукописи XVII вѣка — есть очевидная ошибка. Перепечатываемъ отсюда, изъ сего сказанія, что относится къ епископу Павлу. Судя по тому, что встречаются буквально однѣ и тѣ же фразы въ этой «Исторіи» Іоны и въ Сказаніи, помѣщенному въ «Краткой исторіи древле-православной Россійской церкви благочестиваго священства», нужно думать, что все, находящееся въ посльдней книгу, заимствовано отсюда, изъ «Исторіи о бѣгствующемъ священствѣ» Іоны Курносаго, что она именно послужила источникомъ для позднѣйшаго повѣствованія, изданнаго въ Яссахъ въ 1878 г., а не сказаніе, напечатанное мной подъ № II (сообразно этому должно быть исправлено сказанное мною въ началѣ посмѣловія къ нему, см. выпускъ первый, стр. 18).

...Егда убо прореченое отъ святыхъ время приближалося, еже чрезъ Никона патріарха Московскаго и чрезъ новопечатныя книги православной вѣрѣ не малое паденіе учинилось, — тогда преосвященный епископъ Павель Коломенскій крѣпѣ ставъ за благочестіе, не принимая отъ него Никона новинъ, въ церковь внесенныхъ. Егда же приведоша его въ соборъ и начаша его увѣщати многими ласкательствы, яко да приметъ новоисправленныя книги, онъ же никакоже прекланялся. Потомъ же единому отъ епископъ нѣкоему повелѣ Никонъ истязати его. Онъ же абіе предста, ко глаголанію готовъ сый, добрѣ умѣя реченія представляти, правду же на неправду превращати і истину вредити паче всѣхъ вѣдущій. Околь тогда ему Павлу многая пресеченія въ реченіяхъ творяше: ни мало бо ему попушаху о правдѣ глаголати и проповѣдати правость благочестія. Павель же, видя сія и не теря творимыя неправды, абіе возгласи сія, глаголи: угасе правда, попрана есть истинна, погибѣ правосудіе, бѣжа отъ пастырей законное испытаніе и опасное вещей разсмотрѣніе.

Видѣ же Никонъ и прочие съ нимъ, яко нимало возмогота его увѣщати, дабы пріяль новинства его, внесенные въ церковь, но что уже потомъ Никонъ умысли: увы! На заточеніе его осуждаѣтъ въ Новгородскія предѣлы. Егда же повезоша его на заточеніе, тогда умоди посланниковъ, яко да попустятъ ему видѣти съ Иларіономъ дьякономъ (который послѣдній былъ митрополитъ граду Суздалю). Егда же получи по прошенію своему и узрѣ Иларіона, и аbie нача ему повѣдати съ плачемъ: како его на соборѣ истязаху и коликія нагности и гажденія ему творяху. Онъ же, жалостно сія слыша, аbie скрутился сердцемъ и нача съ плачемъ просити его, глаголя: владыко святый! Пріими мя съ собою въ заточеніе, яко да азъ буду общикникъ исповѣданію твоему. Онъ же послуша моленія его, но токмо повелѣ ему нѣкоторыя вещи духовныя устроити и къ себѣ съ ними быти; самъ же пойде на заточеніе. Послѣди же его Иларіонъ ощути въ себѣ бурю пренемоганія, начень смущатися и боящеся на таковыя скорби наступати, яко человѣкъ сый, аще убо духомъ бодрствуя, но плоть его изнемогаше. Потомъ же Иларіонъ отсла къ нему онія вещи съ нѣкоторыми людьми, самъ же уклонися во ино мѣсто. Павель же епископъ прѣять онія вещи, что въ нужду приличествують роду христіанскому въ просвѣщеніе душамъ и телѣсемъ и во оставленіе грѣховъ, что при(ли)чествуетъ ко святому крещенію: муро и прочія святыя вещи,— и о семъ радуяся, благодаривъ Бога, да и еще похвали Творца своего, яко сподобися за древнее благочестіе въ заключеніи во узилищи пребывать.

Пребывающу же ему тамо, начаша къ нему приходить ревнующи по древлеблагочестію. Онъ же многихъ наказуя, уча и моля, яко да пребудуть во благочестіи и да не приемлютъ новыхъ догматъ, Никономъ внесенныхъ въ церковь, и всегда приходящимъ глаголаша: брати! Стойте и держите преданіе святыхъ апостоль и святыхъ отецъ; почитайте священника, безъ него не пребывайте, на покаяніе приходите, посты сохраняйте, пьянственаго питія удалайтесь, Тѣла Христова не лишайтесь. Самъ бо рече Господь: ядый Мою плоть и пий Мою кровь во Мнѣ пребываетъ и Азъ въ немъ, и воскрешу его въ послѣдній день. Аще не ясть тѣла Мое и не піетъ крови Моея, не зайдетъ въ царство небесное и не воскрешу его въ послѣдній день. Еще же рече Господь Своимъ ученикомъ на Тайный вечери: пріимите, ядите и пійте, се есть тѣло и кровь Моя; сіе творите въ Мое воспоминаніе, дондеже прїду. Сего ради глаголахъ вамъ: не лишайтесь тѣла и крови Христовы и всякой святыни. Стойте и держите пре-

даніе, имъ же научистесь словомъ или посланіемъ нашимъ. Въ наученіи же странна и различна не прилагайтесь.

Егда же Никонъ патріархъ увѣде, яко мнози наставляеми отъ Павла епископа, запрети и начаша ему не пріобщатися страха ради и гоненія, убоявшеся Никонова запрещенія. Что же потомъ умыслияетъ Никонъ? Злохитростю лукаваго змія въчто зло содѣяти истинному страстотерпицу и страдальцу воину Христа, царя Вышняго. Увы безчеловѣчія и прелести лукаваго змія! Абіе посыаетъ иныхъ посланниковъ, яко не дадуть къ нему ни единому прійти, не точію священникомъ, ниже простолюдиномъ. Тогда уже прочее безъ милости начаша не точію его, но и приходящихъ къ нему озлобляти; и тогда не точію священніи, по ниже простію смѣюще явѣ приходити.

Видѣвъ же Павель тако себѣ озлобляема, начать глаголати къ приходящимъ къ нему сице: чадца моя возлюбленная! Уже время приходитъ, яко не могу болѣе видѣтися съ вами, и вы не стужите си о разлученіи моемъ съ вами, и не вметайте себѣ въ напасті; и аще гонять, вы бѣгите и дадите мѣсто гнѣву. О семъ бо и самая истина наша Христосъ рече: *аще юнятъ вы изъ града, то бѣгите въ друй: не имутъ бо скончатися грады Израилевы.* — Они же, сія слышаще, слезъ исполнышася и вси аки единѣми усты возопиша, глаголюще: благослови ны, владыка святый, послѣднимъ своимъ благословеніемъ.— Онъ же, обращясь къ нимъ, рече: буди благословеніе Господне не точію на васъ и на чадѣхъ вашихъ, даже и на всей церкви; идѣже аще въ коемъ либо мѣстѣ благоволить ей Богъ быти, да почietъ Духъ святый въ ней.

Они же вопросиша его: владыко святый! Аще по твоемъ отъ насъ разлученіи сіи съ нами священноіереи или іереи остаются съ нами за вашимъ благословеніемъ, и мы послѣдствуемъ имъ и должны есмы всякую святыню пріимати: крещеніе, и браки, и покаяніе, и тѣло и кровь Христову и прочия церковныя обряды,—аще ли симъ, тобою благословеніе имущимъ, оскудѣніе будетъ и прочимъ древлехиротонисаннымъ, что тогда и въ тѣ времена имамы творити?—Отвѣща бо купно всѣмъ предстоящимъ ту іереомъ и мірскимъ: чадца моя! Аще ли приидетъ время ко оскуденію священства древлехиротонисанныхъ, и взирайте на писаніе: по глаголу Господню, грады Израилевы не имутъ скончатися. Тако же писано, что Господь не умираеть; тако и священство его пребываетъ, тако и тѣло и кровь Христова до скончанія вѣка пребудетъ. Аще ли будеть

апостоли и святіи отцы правила на седми вселѣнскихъ соборѣхъ и девяти помѣстныхъ—како подобаетъ отъ ересей пріимати, положиша три чина. Первый чинъ—совершенно крестити въ три погруженія; второй чинъ—токмо съ писаніемъ проклинати всякую ересь и потомъ муромъ помазуеми; третій чинъ—ни крещаеми, ни муромъ помазуеми, токмо проклинаютъ свою ересь и прочія. Тако подобаетъ разсмотряти въ новыхъ учителехъ великороссійскихъ: аще отложатъ въ крещеніи три погруженія—во имя Отца, и Сына и Святаго Духа и будутъ крестить во едино погруженіе, или обливать, или окроплять или иначе нѣкое странное,—то и вы ихъ пріимайте первымъ чиномъ, совершенно крестите, яко еллины. Аще ли не отложатъ въ крещеніи три погруженія—во имя Отца, и Сына, и Святаго Духа, то за сie двухъ сихъ ради главизнъ подобаетъ и вамъ среднимъ чиномъ пріимати—съ писаніемъ нововводныхъ догматовъ отрицатися и прочія ереси проклинати, тако же и чинъ наблюdatи. Аще кто отъ васъ вѣрный христіанинъ и отступить христіанскія вѣры, и оставить ю, и приидеть въ нѣкую ересь, и пребудить въ той ересси неколико времія, и потомъ познаетъ свое заблужденіе, и приидеть въ раскаяніе и начнетъ молити со слезами, яко мытарь,—и сихъ подобаетъ пріимати третьимъ чиномъ за сie, что они въ чину подцерковнинъ, что у нихъ въ крещеніи мудрствуютъ, и чины церковные невреждены и согласны православной вѣрѣ, токмо въ нѣкоторыхъ упрямствахъ пребывають, не покоряются своимъ учителемъ, и за то соборъ ихъ клятвою обложихъ и ересью нарече. И симъ подобаетъ съ писаніемъ самомнѣнную или умборную ересь проклинати и прочія ереси проклинати же, а муромъ не помазовати. Аще кто во благочестіи крещень и нѣкимъ случаемъ отвержется православная вѣры, начнетъ похваляти и защищати нечестивую еретическую вѣру, и пребудетъ въ ней неколико времія, и признаетъ себе, что погрѣшилъ предъ Богомъ, и обратится и приидеть въ раскаяніе и покается,—и сихъ подобаетъ пріимати среднимъ чиномъ, съ писаніемъ и съ проклятіемъ ереси, въ ней же быть есть, потомъ муромъ помазуется.—И сего ради я ваше мнѣніе и печаль уголяю, како по насъ пребывать и священаго чина не лишеннымъ быти; и выше сего объявихъ вамъ, что пріимати отъ новыхъ учителей вторымъ чиномъ, подъ миропомазаніе. И святый Григорій попущаетъ не въ присутствіи епископа іереомъ іереевъ помазовать муромъ. Уже азъ разрѣшихъ ваше сомнѣніе, исполнивъ желаніе ваше на путь спасенія, аминь.

Они же, много плачуще и о Христѣ цѣлованіе давше, отъидоша. Потомъ же наипаче они немилостивіи начаша озлобляти; каковыя

же тогда ему напасти творяху, которыхъ уже не могу подробно исчислить, но оставлю сие самимъ слушателямъ спослушествовать совѣсти ихъ. По таковыхъ же озлобленіяхъ и скорбяхъ, не по мнозѣмъ времени, безъ вѣсти его сотвориша.—Видѣвше же сие мнози отъ священнааго чина и мирстіи, не къ тому уже смѣаху, что рѣщи, бѣжаша въ разныи мѣста, идвѣже можаху благочестіе сохранити невредимо; колико же ихъ быша древлехиротонисанныхъ и по нихъ послѣдующихъ и хиротонію прившихъ отъ новыхъ учителей, здѣ отчасти объявляется...